

摘藻堂四庫全書薈要

史部

欽定四庫全書薈要卷七千四百四十七 史部

御定資治通鑑綱目三編卷三十五

起辛未明莊烈宗禎四年 凡三年  
盡癸酉明莊烈宗禎六年

辛未 四年春正月延綏飢

延綏連歲大祲于是職方郎中李繼貞請發帑金糴米輸軍前且令四方贖錢及捐納事例者輸粟于邊以撫飢民又言兵法撫勦並用非撫賊也撫飢民之從賊者耳今斗米四錢已從賊者猶少未從賊而勢必從賊者無窮請如神宗時特遣御史振濟故事齎三十萬石以往安輯飢民使不為賊以孤賊勢帝感其言遣御史吳甦以十萬金往振繼貞少之帝不聽甦至延綏用西安推官史可法主振事因諭散賊黨

帝聞即命

**質實**

李繼貞字徵尹太倉州人吳姓字

巡按陝西

鹿友興化人史可法字憲之大興

籍祥

符人

### 三月楊鶴招撫流賊于寧州尋復叛

神一元聞杜文煥軍且至遂棄寧塞陷保安延安告  
急巡撫練國事檄賀虎臣及副將李卑援勦虎臣等  
進圍保安賊引河套數千騎控虎臣軍會定邊副將  
張應昌以兵至破斬一元賊衆棄城去復推一元弟  
一魁為渠帥轉攻慶陽分兵陷合水知縣蔣應昌被  
執張應昌偕杜文煥趨戰慶陽圍解時楊鶴移駐寧  
州一魁求撫歸所執蔣應昌別賊拓先與金翅鵬遇  
天星田近仁獨頭虎上天龍等亦先後降鶴設御座  
于城樓賊跪拜呼萬歲因宣聖諭令設誓或歸伍或  
歸農賊佯許之立赦其罪鶴以一魁最強致其壻帳

中同卧起一魁果至數以十罪一魁伏謝即宣詔赦之昇以官處其衆四千餘人于寧塞文煥聞之歎曰寧塞之役賊畏我而逃今者賊偽降楊公信之借名城為盜資吾尚可家于此乎遂以其族行未幾鶴移駐耀州別賊攻破金鎖關殺都司王廉李老柴獨行狼復攻陷中部降賊田近菴以六百人據馬欄山應之而一魁之黨茹成名者尤桀驁鶴令一魁誘殺之于耀州賊黨猜惧挾一魁以叛勢復熾一魁後為張應昌部將所得誅死或曰官兵攻之急其黨黃友中斬一魁獻于軍門

**質實**

定邊副總兵嘉靖四

十一年設分守安定鎮靜等處提調大牆及牆口等處寧州北魏定安縣唐為寧州治元省縣入州明屬慶陽府保安宋保安軍金改縣尋陞州元仍降縣明屬延安府今並因之耀州唐置明屬西安府今陞直隸州金鎖關在同官縣北三十里神水峽明嘉靖三十年築關城馬欄山亦在同官縣北三十里或謂即

晉隋之馬蘭山誤晉郡尉張光所成及隋地理志所謂馬蘭山者別在今白水縣西北隸國事字君豫永城人李甲字待平榆林人張應昌遼東總兵官承唐之子王康本朝乾隆四十一年追諡節愍

### 皮島叅將劉興治作亂

先是毛文龍死袁崇煥分其兵二萬八千為四協命文龍子承祚副將陳繼盛叅將徐敷奏遊擊劉興祚主之後改為兩協繼盛領東協擢興祚弟興治為叅將攝西協興治亮狡好亂與繼盛不相能會其兄興祚陣亡繼盛誤聽謀報謂未死興治憤擇日為興祚治喪諸將咸往弔繼盛至伏兵執之並執理餉經歷楊應鶴等十一人袖出一書宣于衆說言此繼盛誣興祚詐死及以謀叛陷已者遂殺繼盛及應鶴等又偽為島中商民奏一通請優恤興祚而令興治鎮東江舉朝大駭以海外未遑詰也興治與諸弟兄放舟

長山島大肆殺掠登萊巡撫孫元化請弭變乞以都督僉事黃龍為總兵官往定興治亂龍蒞皮島受事興治猶桀驁如故至是遂擁衆作亂突入叅將沈世魁家盡戮其孥世魁走免夜率所部襲之殺興治亂乃定而其黨都司耿仲裕復相繼作亂仲裕者登州遊擊仲明弟也仲明所善裨將李梅以通洋事覺龍繫之獄仲裕在龍軍仲明在元化軍仲裕受仲明指激其部卒假索餉名圍龍署擁至演武場割其耳鼻將殺之諸將為救免未幾捕斬仲裕疏請正仲明罪元化庇仲明劾龍尅餉致兵譁帝命龍戴罪視事而飭撫按官覈實實字初陽嘉定縣人黃龍耿仲明劉興治皆遼東人

## 夏四月旱

救羣臣修省極言時政得失于是給事中魏呈潤疏  
言驛站所裁纔六十萬未足充軍餉十一而郵傳益  
疲執必再編里甲是猶剜肉醫瘡瘡未瘳而肉先潰  
闕外舊兵十八萬額餉七百餘萬今兵止十萬七千  
合薊門援卒非溢原數加冰七百九十萬外新增又  
百四十餘萬猶憂不足可不為稽核乎邊事日棘非  
臣子言功之時而詭捷冒功躡加峻秩門客廝養竄  
名戎籍不階而升悉糜俸料臣懼其難繼也江淮旱  
灾五湖之間海岸為谷舊穀不登新絲未熟上貢織  
造宜且暫停銓法壞于事例正途日壅不可不疏通  
撫按諸臣捐貲助餉大抵索之民間顧奉急公之褒  
上蒙而下削不可不禁飾又條陳數策請大修北方  
水政帝皆納其  
**質實** 魏呈潤字中  
言卒不果行 嚴龍溪人

副總兵曹文詔敗賊于河曲

山西自河曲至蒲津千五百里與陝西接壤河最狹  
賊渡河往來無定王嘉允既擊敗王國梁于河曲遂  
久據其城文詔圍之六月嘉允乃棄城走復自岳陽  
突犯澤潞轉掠至陽城南山文詔追及之其下斬以  
降文詔以功擢臨洮總兵官會巡撫練國事副將張  
全昌連破點燈子于邵陽韓城敗竄入山西文詔追  
之及于稷山諭降七百人點燈子遁去于是秦賊之  
流入晉者略定自秦賊初起延綏以北為逃軍為邊  
盜延綏以南為土寇為飢民邊盜則王嘉允土寇則  
王左掛為羣賊魁至是左掛嘉允相繼殄滅洪承疇  
張應昌敗不沾泥于葭州王承恩破王虎金翅鵬于  
宜川陝西都司曹變蛟殲寧塞遺賊于唐毛山連戰  
皆捷混天猴等謀襲靖邊應昌邀擊之真水川承疇  
復追躡之甘泉楊鶴與承恩勸上天龍等于鄜州又  
皆敗之賊敗則求撫既撫則旋逸去故秦中賊迄未  
平而嘉允餘黨復推王自用為賊渠即所稱紫金梁

者是也自用結羣賊老回曹操八金剛埽地王射  
塌天閻正虎滿天星破甲錐邢紅狼顯道神混世王  
黑煞神等及高迎祥張獻忠皆聚于晉過天星諸賊  
亦自秦來會共三十六營衆二十餘萬閻將李自成  
乃自此起矣自成為迎祥甥世居米脂懷遠堡與張  
獻忠同歲生幼牧羊長充銀川驛卒善騎射鬪狠無  
賴里中人苦之謬推為里長數犯法知縣宴子賓將  
寘諸死脫去為屠尋殺人偕兄子過亡命投甘肅所  
部將王國為卒會國奉調過金縣兵譁自成忽起縛  
縣官索餉國止之并殺國走依于迎祥迎祥擁閻將  
八隊一眼錢兒二點燈子三李晉王四蝎子塊五老  
張飛六亂世王七夜不收寘自成于其末猶未有名

**質實**

蒲津關在永濟縣黃河西岸一名臨晉關跨陝  
西地又有蒲津橋在縣西門外唐六典曰造舟

之梁四蒲津其一也陽城唐置明屬澤州今屬澤州  
府稷山隋置明屬絳州以隸于平陽府今升絳州為

直隸州縣仍屬馬邠陽漢縣明屬同州以隸于西安府今屬同州府唐毛山在保安縣西北近靖邊縣元塞堡靖邊宋為西夏地明置靖邊營 本朝雍正九年置縣屬榆林府真水川在甘泉縣東西魏置真川縣于此隋大業廢入臨真縣故又謂之臨真鎮甘泉唐初置伏鹿縣天寶時改甘泉明屬延安府今因之懷遠堡元為米脂縣地明天順中置懷遠堡 本朝雍正九年改縣屬榆林府銀川驛在米脂縣西一百步明洪武初置張全昌遼東總兵官承廕次子曹變蛟文詔兄子

## 六月錢象坤罷

象坤溫體仁門生也體仁入遂讓而居其下然無所附和及是御史水佳允劾兵部尚書梁廷棟廷棟不待旨即奏辨廷棟故出象坤門佳允疑象坤洩之語侵象坤周廷儒惡廷棟並惡象坤象坤遂引疾歸廷

棟落 質實 水佳允  
職 鄧縣人

秋八月我

# 大清兵圍大凌城

遼東巡撫邱禾嘉議築廣寧義州右屯三城孫承宗  
謂廣寧道遠當先據右屯築城大凌河以漸而進兵  
部尚書梁廷棟力主之遂以七月興工命總兵官祖  
大壽副將何可綱以兵四千據其地發班軍萬四千  
人築之護以石砮土兵萬人工垂成廷棟罷去廷議  
大凌荒遠不當城撤班軍赴薊責鎮撫矯舉令回奏  
禾嘉懼盡撤防兵留班軍萬人以守時我

大清以方吉納等議和方欲遣使定約聞大壽等興城  
工為拒守計乃于是月丁未發兵薄大凌城掘濠樹  
柵四面圍合別遣一軍截錦州大道城外堠臺皆下

城中兵出悉敗還承宗禾嘉聞之馳至錦州禾嘉親率師與總兵官吳襄宋偉合軍赴援離松山三十里與

大清兵遇大戰長山小凌河間禾嘉等敗收軍還錦州我

大軍追擊至城下禾嘉軍墮壕死者甚衆太僕少卿張春復監襄偉軍過小凌河五里築壘列車營為大凌河聲援進次長山距城十五里

大清兵以二萬騎逆戰火器競發聲震天地我右翼軍衝入春營春軍敗襄及叅將桑噶爾寨等先遁春收潰衆立營時風起黑雲見春乘風縱火火甚熾天忽雨反風春部率多焚死少頃雨霽兩軍復鏖戰偉力不支亦走春及諸將張鴻謨楊華徵薛大湖等三十人俱被執副將張吉甫滿庫王之敬戰沒部卒死者無算祖大壽堅守不敢出城援自此絕至冬大凌糧盡食人馬我

大清屢諭招大壽大壽及諸將皆欲降何可綱不從大壽令二人掖可綱出城外殺之遂與副將張存仁等降于我

大清大壽言妻子在錦州請歸設計誘降守者遂縱歸大壽入錦州未得間而禾嘉知其納款狀具奏聞于朝帝于大壽欲羈縻之置不問張春既見執諭之降春日忠臣不事二君禮也我若貪生亦安用我遂不食屢

賜以餽餼春仍不食守者懇勸感

太宗文皇帝恩始一食令薙髮不從居古廟衣舊日巾服迄

失臣節而死朝廷聞春守志遙遷而右副都御史恤其家春妻翟聞之慟哭六日不食自縊死春未死時我

大清有議和意春為言之于朝朝中譁然詆春誠意伯

劉孔昭劾春敗降不忠請削其所授憲職朝議雖不從而司繫其二子死于獄

質實大凌城在

錦縣東四十里周三里有奇門一長山在錦縣東南十八里峰巒綿亘四山錯列因名邱禾嘉新添衛人吳襄遼東中後所人張春字泰宇同州人何可綱廉勇善撫士卒被害時顏色不變亦不出一言含笑而死本朝乾隆四十一年追謚春可綱忠節張吉甫滿庫王之敬烈愍劉孔昭誠意伯基十二世孫

## 何如寵罷

如寵官禮部時貧宗婚嫁格于有司者千餘人用如寵言獲婚嫁者千餘帝欲族表崇煥以如寵言得免及入閣為周延儒溫體仁所扼連疏乞罷歸

九月復遣太監王應朝等監視諸邊軍餉張彞憲總理

戶工三部

帝初即位時鑒魏忠賢禍敗盡撤諸鎮守中官委任大臣既而廷臣競門戶兵敗餉絀不能贊一策乃思復用近侍至是遂遣王應朝監軍闕寧王坤劉文忠劉允中監視宣大山西軍馬又遣張國元往薊鎮東協王之心中協邵希韶西協而以彛憲有心計令鈎校戶工二部如涂文輔故事為之建署名曰戶工總理其權視外總督內團營提督焉給事中宋可久馮元飈等十餘人論諫不納吏部尚書閔洪學率朝臣具公疏爭帝曰苟羣臣殫心為國朕何事乎內臣衆莫敢對彛憲遂按行兩部踞尚書上命郎中以下謁見工部侍郎高鴻圖不為下抗疏乞歸削籍去工部主事金鉉戒同官無私謂彛憲愠甚假他事誣劾之落鉉職彛憲日益驕縱故勒邊鎮軍器不發管隘甲主事孫肇興恐稽滯軍事因劾其誤國帝命回奏罪至遣戍南京御史李曰輔禮部主事周鑣皆先後以諫被斥彛憲遂希旨上言天下逋賦至一千七百餘

萬請遣官督徵給事中范淑泰疏爭不聽于是催徵  
酷急民益起從盜時中噹勢復大振王坤至宣府甫  
踰月即劾巡按御史胡良機帝落良機職命坤按治  
給事中魏呈潤爭之亦謫外坤性狂躁敢言朝中大  
吏有欲倚之相傾擯者于是抗疏劾修撰陳于泰謂  
其盜竊科名語侵周延儒給事中傅朝佑言坤妄干  
彈劾之權且其文詞練達機鋒排激必有陰邪愴人  
主之其意指溫體仁帝置不問左副都御史王志道  
言近者內臣舉動幾于手握皇綱而輔臣終不敢一  
問至于身被彈擊猶忍辱不言何以副明主之知皆  
備責延儒欲以動帝帝怒削其籍帝方一意用內臣  
故言者多得罪至八年八月始下詔撤還監視總理  
漕其後卒用高起潛輩

**質實**

宋可久膠州人馮元颺  
字爾敦慈溪人高鴻圖

字研文膠州人金鉉字伯玉武進人李曰輔字元卿  
南昌人周鑣字仲馭金壇人范淑泰字通也滋陽人

胡良機字省之南昌人陳于泰宜興人  
傅朝佑字右君臨川人王志道漳浦人

發明

莊烈手誅逆閹盡撤鎮守中官一反天啓間  
濁亂之政可謂舉錯得其正矣乃是時將驕  
卒情彊事日隳而在廷諸臣惟知門戶紛糾無復  
殫心國事致使若輩復得逞志諸臣之罪自無可  
逭然使莊烈振作有方賢奸有別廷臣黨援之習  
豈難破除即諸臣之中亦豈無可委任顧計無所  
出遂思復用宦官是明知覆轍之在前而甘心蹈  
之後車之覆不待明者而知之矣及朝臣疏爭復  
以此面加詰責豈竟以任用內豎謂足以破朝黨  
乎卒之奸閹肆橫國是愈非自速其亡而不之悟  
又誰之  
咎也夫

楊鶴有罪下獄以洪承疇總督三邊軍務

李老柴獨行狼既陷中部巡撫練國事總兵官王承恩攻之數月未下慶陽賊郝臨菴等復往援之總兵官賀虎臣擊斬其魁劉六會文詔西旋與榆林參政張福臻合勦賊老柴及其黨一條龍餘黨突圍走副將張鴻業遊擊李明輔戰死先是朝廷得鶴報言慶陽賊就撫散遣俱盡旋聞中部陷久不下御史謝三賓因劾鶴欺罔謂中部之賊寧自天降疏下巡按御吳姓覆奏姓奏鶴主撫誤國帝怒逮鶴下獄戍秦州詔承疇代為總督承疇既奉命檄文詔與遊擊左光先崔宗允李國奇分勦綏德宜君清澗米脂賊先後四戰皆大捷埽地王授首而延安賊趙四兒者自稷山敗遁潛竄山谷中比聞文詔還陝乘間糾合餘黨勢復振都司王世虎守備姚進忠敗歿四兒遂擁眾六千餘人屯石樓山中西距河三十里綏德知州周士奇守備孫守法偵其不備東渡河襲之賊四走承疇乃以陝西賊委承恩而自率兵追賊于山西賊且

走且掠沁水縣東北有竇莊前巡按遼東御史張銓  
里居也銓父五典度海內將亂築所居竇莊為堡堅  
甚及是流賊至五典已歿銓子道濬以錦衣僉事官  
京師獨銓妻霍氏在衆請避之曰避賊而出家不保  
出而遇賊身更不保等死耳蓋死于家乃率童僕堅  
守賊環攻四晝夜不克而去副使王肇生名其堡曰  
夫人城鄉人避賊者多賴以免承疇既入晉逐賊追  
及之大戰賊連敗擒斬趙四兒趙四兒者即賊中所  
稱點燈子也承恩亦以計斬陝賊譚雄于是張獻忠  
羅汝才皆懼詣承疇降承疇遂還陝而擊走不沾泥  
張存孟于安定秦晉賊少戢未幾獻忠汝才復叛入  
山西偕羣賊焚掠如故而陝西降賊混天猴勾賊陷  
甘泉殺知縣郭永固參政張允登督餉至其地力禦  
不敵死踰月陷宜君又陷葭州僉事郭景嵩死之是  
時總兵官孫顯祖擊賊山西數敗之萬泉河津聞喜  
六戰皆捷而承疇聞甘泉之變與承恩往來關中奔

擊日不質實

宜君東晉時符秦置宜君護軍後魏置縣明屬郿州以隸于延安府今陞郿州

為直隸州縣仍屬焉沁水隋置明屬澤州今屬澤州府實莊在沁水縣東北萬泉唐縣明屬蒲州以隸于平陽府今屬蒲州府郭永固絳州人張允登漢州人本朝乾隆四十一年追諡允登及王世虎姚進忠烈愍永固及張鴻業李明輔郭景嵩節愍

冬十月辛丑日有食之

十一月罷大學士孫承宗

長山之敗廷臣交章論承宗禾嘉築城起釁承宗連疏引病歸禾嘉先已調南京太僕卿遂還京亦引病歸已而言者追論承宗喪師辱國竟奪官承宗復列上邊計十六事帝報聞而已

閏十一月登州遊擊孔有德等反

有德與耿仲明李九成皆毛文龍部曲文龍死走入登州登萊巡撫孫元化官遼久孫承宗袁崇煥俱辟為贊畫以寧前兵備推巡撫素言遼人可用乃用有德仲明為遊擊九成為偏裨且多收遼人為牙兵大凌圍急部檄元化發勁卒泛海趨耀州為聲援有德詭言風逆改從陸赴寧遠十月晦有德及九成子千總應元統千餘人以行經月抵吳橋天大雨雪衆無所得食新城邑紳王象春者有莊在吳橋有德兵屯其地卒或攫雞犬以食王氏子怒訴之有德有德笞卒以徇衆大譁九成先齎銀市馬塞上用盡無以償適至聞衆怨遂與應元謀却為亂有德從之還兵大掠陷陵縣臨邑商河殘齊東圍德平既而舍去陷青城新城而新城受禍尤酷知縣秦三輔訓導王協中舉人王與變張儼然並死難以數由王氏焚殺

亂兵鼓譟乃注  
所必誅即其機  
甲還趨亦因本  
無巢窟可恃今  
大成孫元化苟  
能出兵交學自  
可指顧成擒乃  
竟徂于招撫之  
謀敵所過勿行  
進截使其從容  
直抵登州重地  
遽陷及劉宇烈  
督師進討復以  
撫議為賊所愚  
致策即旋被攻  
圍竟不敢加遣

甚慘巡按御史王道純聞變移書山東巡撫余大成  
令討捕大成不信再促之遂託疾請告不得已遣兵  
往禦則皆敗而走大成恐遂定撫議而元化軍亦至  
與大成皆力主撫檄賊所過州縣無邀擊總兵官張  
可大率兵赴勦元化檄止之不聽次萊州遇元化復  
為所阻乃偕還登州歲將晏有德暮薄城可大請擊  
之元化持撫議不許可大陳利害甚切元化期明歲  
元日發兵合擊至期元化兵不發明日始發兵合可  
大兵擊賊戰城東可大兵屢勝元化部卒皆遼人親  
黨多無鬪志其將張燾先走可大兵亦敗中軍管維  
城遊擊陳良謨守備盛洛姚士良皆戰死燾兵半降  
賊賊遣歸為內應元化開門納之可大諫不聽時仲  
明領元化中軍方以弟仲裕作亂皮島朝廷將治其  
主使罪曰懷叛志夜半賊至城仲明與都司陳光福  
等舉火導賊自東門入城遂陷可大守水城撫膺大  
慟解所佩印付部卒間道走濟南上之還署辭毋令

一矢比元化等  
相繼連治朱大  
典一意進兵不  
毀月間悉臻蕩  
定可知叛卒揭  
竿倡亂本易剪  
除其得以拒守  
經年實由于將  
兵者之疑不  
進勦撫成效即  
此了然彼欲懸  
心示以招賊者  
真不啻如夢囈  
矣

弟可度子鹿徵奉母航海趨天津以佩劍殺其妾陳  
氏遂自縊元化自刎不殊與同城僚屬鄉官張瑤恚  
被執惟參將馬驄及瑤不屈死有德乃推九成為主  
己次之仲明又次之用巡撫閔防檄州縣取兵餉令  
元化移書大成求撫曰界以登州一郡即解大成聞  
于朝道純憤抗疏力爭帝革元化大成職候勘而以  
謝璉徐從治代即命道純監其軍元化尋為賊縱航  
海歸與大成俱下獄大成論戍元化論死首輔周延  
儒謀脫其死不得則援其師徐光啟所貝實吳橋金析  
入閣共圖之卒不得與張燾同棄市將陵縣吳  
川地置明屬景州以隸于河間府今徑屬河間府新  
城元析長山縣驛臺地置明屬濟南府今因之青城  
元以鄒平之青平鎮置明屬濟南府今屬武定府泰  
三輔三原人余大成江寧人張可大宇觀甫應天人  
事閔贈特進崇祿大夫太子少傅謚莊節賜祭葬予  
世廕建祠曰旌忠馬驄會稽人本朝乾隆四十一

年追謚張瑤忠節張可大馬驄節愍管維城  
陳良謨盛洛姚士良烈愍王協中等並入祠

壬申五年夏五月以禮部尚書鄭以偉徐光啟並兼東閣  
大學士預機務

以偉讀書過目不忘而不能票擬章疏有何況二字  
誤以為人名也擬旨提問帝駁改始悟自是司臣為  
帝所輕遂諭館員須歷外僚而閣臣自是不專用翰  
林先啟雅負經濟才有志用世及入閣年已老周延  
儒溫體仁專政  
不能有所建白

## 六月京師大雨水

時淫雨損山陵昌平地動給事中李世祺上言曰若  
輔理調變無聞精神為固寵之用統軍衡才無術緩

急無可恃之人中樞決策掩耳盜鈴主計持籌醫瘡  
剝肉州縣迫功令鞭策不前六曹窘簿書救過不贍  
簪筆執簡之臣接跡囹圄考槃遺軸之士抗聲鴻舉  
一人議疑反衆人一事嘗疑及衆事黃衣之使頽頽  
卿貳之堂貂蟬之座雄踞節鉞之上低眉則氣折強  
項則釐開各邊監視之遣已將期月初雖間有摘發  
尋亦同歸模稜效不效可概見伏願撤回各使以明  
陰不干陽之分然後採公論以進退大臣酌事情以  
衡量小臣釋疑忌之根開功名之路庶天  
變可回時艱可濟帝以借端瀆奏切責之  
壽生青  
浦人

秋七月以大監曹化淳提督京營戎政

初帝遣中官張彝憲總理戶工二部即命唐文征提  
督京營戎政至是以化淳代之後李自成犯闕化淳

開廣寧門納  
之京師遂陷

# 八月總兵官曹文詔等連敗賊于平京慶陽

降賊混天猴既勾可天飛等連陷甘泉宜君葭州率  
衆夜突至鄜州兵備副使郭應響登北關集士卒守  
禦手殺三賊力不支遂死洪承疇王承恩分道勦賊  
賊聞官軍至輒奔竄甫退旋出剽掠延安慶陽諸屬  
邑多殘破而別賊紅軍友李都司杜三楊老柴者神  
一魁餘黨也屯鎮原將犯平涼巡撫練國事檄甘肅  
總兵官楊嘉謨副將王性善扼之賊走慶陽文詔從  
鄜州間道至與嘉謨性善合大戰西濠斬千級生擒  
杜三楊老柴餘黨糾他賊破華亭攻莊浪文詔嘉謨  
掩擊之賊走盤龍山遊擊曹變蛟馮舉劉成功平安  
等謀而上賊潰走性善及甘肅副將李鴻嗣參將莫  
與京等復以兵至共擊五百二十餘級嘉謨變蛟

躡賊後夾擊又屢敗之賊餘衆數千欲奔漢南為遊擊趙光遠所遏乃由長寧驛走張家川其逸出清水者副將蔣一陽遇之敗都司李宮用被執文詔計剪其渠魁則羣賊可以次撲滅乃縱反間紹其黨殺紅軍友遂蹙敗之水落城追至靜寧州賊奔據唐毛山變蛟先登殄其衆時混天猴可天飛郝臨菴劉道江為承恩所敗亦潰而西獨行狼李都司等走與合勢復振連兵圍合水文詔往救賊匿精銳以千騎逆戰誘抵南原伏大起城上人驚相告曰曹將軍歿矣而文詔持矛左右突正馬營萬衆中諸將望見皆出擊賊大敗僵屍蔽野餘衆走銅川橋文詔率變蛟嘉謨及參將方茂功等追及之大戰陷陣賊復大敗參將李卑馬科又破之延水関斬首六百二十餘級其地東限黃河賊溺死者無算科部卒斬混天猴以獻尋文詔與寧夏總兵官賀虎臣固原總兵官楊麒破賊虎兇凶麒麟窮追數百里所俘獲甚衆會洪承疇擊斬

可天飛李都司于平涼降其魁白廣思餘賊分竄者  
文詔追感之錐子山其黨殺獨行狼郝臨菴以降承  
疇戮四百人餘皆散遣李甲擊賊固原復斬其魁薛  
仁貴等聞中巨寇畧盡文詔在陝大小數十戰巡撫  
范復粹論奏首功第一而洪承疇抑不叙巡按御  
史吳姓上疏推獎甚至兵部又抑之卒不得叙

**實**

鎮原漢高平縣地後魏置原州元改鎮原州明降  
縣屬平涼府今因之西濠砦在鎮原縣北華亭後

魏鎮隋改縣明屬平涼府今因之盤龍山在莊浪縣  
南四十里長寧驛在興平縣西四十里與武功縣接  
界張家川在秦州清水縣境清水漢縣明屬秦州以  
隸于鞏昌府今陞秦州為直隸州縣仍屬焉水落城  
在靜寧州西南百里亦謂之水落亭水經注水落亭  
在隴山之西近畧陽界是也靜寧州金德順州元改  
靜寧州明屬平涼府今因之銅川橋在慶陽府安化  
縣西延水關一名永寧關在延川縣東南七十里虎

兕凹在甘泉縣境錐子山耀州西北有箭幹山北為魏王樓樓東為錐子山郭應響福清人殉節後贈光祿少卿謚忠烈予祭葬廕子入監讀書 本朝乾隆四十一年追謚忠烈范復粹黃縣人

## 九月流賊連陷山西州縣

先是流賊紫金梁高迎祥等擁衆聚山西其黨羅汝才張獻忠降未久復叛歸與之合分道四出連陷大寧隰州時邊兵宿將皆萃閑中勦慶陽諸賊而山西備禦空虛無大帥前錦衣僉事張道濬者巡按遼東御史銓子也方得罪里居巡撫宋統殷以其家多蓄壯丁善禦賊遂檄至軍前贊畫歛人吳開先寓晉以驍勇聞監司王肇生亦以便宜署開先為將使共勦賊賊自隰犯澤州開先擊之戰城西賊敗去轉犯沁水寧武守備猛忠戰死道濬遣遊擊張瓚馳援賊乃退東掠陽城聞先聞之西渡沁河逆戰擊斬數百人

礮盡無援一軍盡歿賊乃再犯沁水鄉官張光與兄守備光璽千總劉自安等率衆固守八日援兵不至城陷並死澤大州遽為賊破賊乘勝又陷壽陽遠近震動未幾紫金梁老回回八金剛等以三萬衆圍沁水之賓莊謀執道濬以脅統殷往道濬官京師時其母霍氏嘗築城禦賊至是道濬復屢敗之賊少却會關中賊渠次第殲戮其餘黨東走附山西賊于是賊勢甚熾廷議命秦將率師協勦賊偵知秦師且至欲因道濬求撫紫金梁請見免胄前曰我王自用也誤從王佳允至此又一人跪致詞曰我宜川廩生韓廷憲不幸為佳允所獲久陷于賊請誓死奉約束道濬勞遣之陰使人囑廷憲圖賊廷憲日暮紫金梁疑未決陽和兵襲之賊怒尤廷憲遂敗約分其衆南踰太行突濟源陷溫縣廷憲知紫金梁疑已思劫之歸並約道濬伏兵沁河以待道濬遣所部劉偉佐之是夕賊攻邑諸生蓋汝璋樓掘地深丈餘樓不毀賊

怒誓必拔之乃遠營廷憲不得間知事且洩借偉倉猝奔賊追之及河伏起殺追者深山虎等六人皆賊腹心也賊臨沁河索廷憲實莊東面河道濬潛渡上流繞賊後大噪賊駭遁去賊黨復南犯臨縣據其城破修武殺知縣劉鳳翔焚掠武陟輝縣遂圍懷慶帝以藩封重地切責巡撫樊尚燦殺賊自贖命副將左良玉以昌平兵往援賊既盡向河北統殷肇生率軍次陵川扼賊北歸賊遇官軍殊死鬪乘夜爭險對營兩山頂賊緣崖劫官軍營官軍亂統殷肇生皆走與諸軍相失宣大總督張宗衡率遊擊猛如虎等將兵來援統殷肇生收潰卒以會擊賊于高平大破之賊還走沁水朝廷以統殷不能辦賊詔許鼎臣來代宗衡乃以八千人駐平陽鼎臣以七千人駐汾州分扼要害已又合兵逐賊臨縣縣城倚黃雲山榆林河水出焉入于黃河城三面峭壁西阻水賊復與土寇田福田科等相倚久不拔尋李卑賀人龍艾萬年將關

中兵至鼎臣檄以自從宗衡怒復檄之為已部三將  
莫之通從賊乘間入據磨盤山分其衆為三閭正虎  
據交城窺太原邢紅狼上天龍據吳城窺汾州紫金  
梁張獻忠突沁州武鄉陷遼州

鄉

官楊于楷張友程舉人趙一亨侯標並死難既而紫  
金梁與亂世王有隙廷憲知之縱謀遣書問之亂世  
王果疑遣其弟混世王就道濬乞降道濬知鼎臣方  
主勦權詞難之曰斬紫金梁以來乃得請混世王快  
快去賊衆遂分質實

平陽府今升隰州為直隸州縣

仍屬焉寧武漢樓煩縣地唐置寧武軍明設寧武所

今升縣為寧武府治壽陽晉置明屬太原府今屬平

定州濟源隋析軹縣置溫縣漢置明並屬懷慶府臨

縣唐臨泉明屬汾州府修武武陟皆唐置明並屬懷

慶府輝縣唐輝州明降縣屬衛輝府今悉因之陵川

隋置高平後魏置明並屬澤州今屬澤州府黃雲山

在臨縣東北三里磨盤山在臨縣東七十里又名連枝山吳城在孝義縣西南七十八里戰國時魏吳起為西河守築此以拒秦因名武鄉唐置明屬沁州今因之張宗衡臨清人猛如虎榆林人許鼎臣武進人李呈章信陽州人賀人龍父萬年皆宋脂人本朝乾隆四十一年追謚猛忠吳開先李呈章烈愍張光奎光璽楊子楷張友程等節愍劉自安等並入祠

癸酉 六年春正月命曹文詔節制山西諸將討賊

關中賊畧盡悉走入山西土賊王剛王之臣通天柱復起應之勢大熾御史張宸極言文詔威名夙著今秦賊滅且盡宜勅令入晉協勦帝從之遂有是命文詔東渡河抵霍州敗賊汾河孟縣追及于壽陽巡撫許鼎臣遣謀士張宰先大軍嘗賊賊驚潰文詔追擊之斬混世王餘黨走五臺遊擊猛如虎敗之黑山覆

賊渠姬閔鎮軍賊還走壽陽遇文詔兵于方山復敗  
五臺孟定襄壽陽賊盡平鼎臣令文詔軍平府備太  
原東張應昌平汾州備太原西文詔連敗賊太谷范  
村榆社太原賊盡而應昌選悞逗撓務與賊相避總  
督張宗衡五檄之不至奏于朝乃恨文詔應昌三月  
平賊文詔傾賊從河內上太行邀擊之澤州賊大敗  
走路安文詔至陽城遇賊不戰自沁水潛師還擊斬  
首千餘賊循陽城而北張道溶設伏隘口賊至伏盡  
起擒賊渠滿天星等賊乃退結屯自固其他部陷平  
順殺知縣徐明揚文詔至賊走夜半襲破賊屯斬千  
五百級紫金梁老回回遇天星分道走文詔擊之榆  
社武鄉黎城屢戰皆捷應昌迄避賊不敢進殺良民  
冒功為巡按御史所劾帝特遣中官孫茂霖等為文  
詔應昌內中軍時文詔所節制諸將艾萬年李卑劉  
光祚猛如虎虎大威頗希收與其兄子變蛟皆驍敢  
善殺賊賊渠多先後俘馘王剛王之臣通天柱等亦

懼乞降軍聲大震而賊尤畏文詔次則道濬道濬有  
督家衆昌鄉人築堡五十四捍賊沁水沁水當賊衝  
去來無時前後凡五犯皆却走文詔復率兵至沁水  
大賊之擒其魁大虎賊避文詔鋒流入河北帝命文  
詔移師往討道濬執乃孤賊旋陷和順鄉官樂濟衆  
死之復陷樂平永和遂陷沁水道濬率壯丁三百人  
馳赴賊退徙十五里道濬收散亡捕賊黨傾家園以  
餉軍副使王肇生列狀上道濬功道濬故以賄敗當  
遣戍冀用軍功自滿被而言者劾其離伍冒功乃更  
戍海寧衛文詔道濬既相繼去流賊顯道神等據守  
嵐四出剽掠山質實汾河源出寧武縣西南六十里  
西盜迄不得平管岑山下繞忻州靜樂縣南入  
陽曲縣界凡經太原汾州平陽三府折而西至蒲州  
府禁河縣北入河與孟縣相近者則陽曲之汾河孟  
西距陽曲界計一百二十里孟縣隋置金陞州明降  
縣屬太原府今因之黑山關在五臺縣東南九十里

接直隸平山縣界方山在壽陽縣東北四十里接孟  
縣界壁立千仞頂方一里平定州宋平定軍金改軍  
為州明屬太原府今直隸山西省范村寨在絳縣東  
十五里今築為堡榆社隋置明屬遼州河內隋置明  
為懷慶府治今並因之平順明嘉靖八年分潞城縣  
之青羊里及壺關黎城二縣地置屬潞安府 本朝  
乾隆二十九年省入潞城縣和順隋置明屬遼州今  
因之海寧衛陳于鹽官縣置海寧郡尋廢元升鹽官  
縣為州已又改海寧州明降縣屬杭州府于縣置海  
寧衛屬浙江都司以隸于左軍都督府 本朝乾隆  
四十年升縣為州仍屬杭州府衛久廢張宸極河津  
人徐明楊浮梁人賊來犯設策禦賊城破不屈死樂  
濟眾官昌平副使里居遇難投井死 本  
乾隆四十一年追謚明楊烈愍濟眾節愍

## 二月流賊犯畿南河圯

初賊之為懷慶也帝既命左良玉以昌平兵赴援未至圍已解其寇修武清化者亦還走平陽因令良玉駐澤州扼豫晉咽喉與曹文詔同討賊有急則秦兵東豫兵西良玉從中擊為四面援兵是年正月賊陷陽城舉人吳之秀賈煜張廣雲貢生張茂貞及弟茂恂死人遂棄執赴河北良玉擊敗之涉縣西破賊竄林縣山中飢民爭附之參將楊遇春往逐賊中伏死而別賊復流入趙州武舉李調與弟讓率鄉勇禦賊力竭陣亡賊乃據臨城之西山縱掠順德真定間叅議寇從化檄守備李定王國璽擊之大敗內邱知縣王世泰與弟世寧扼賊于隘口亦敗殺畿南皆震副使陸象昇偕總兵官梁甫力卻賊從化亦以兵來會戰屢捷遊擊董維坤被圍象昇馳援維坤已戰死象昇設伏石城南大破賊斬其魁十一人象昇每臨陣身先士卒與賊格鬪及及鞍弗顧失馬即步戰逐賊危崖一賊自巔射中象昇額又一矢僕夫斃馬下象

昇提刀戰益疾賊駭走相戒曰盧庶使遇即死不可  
犯遂自邢臺摩天嶺西下抵武安林縣賊走與合敗  
良王軍守備曹鳴鶚戰死主簿吳應科以民兵助戰  
亦死于是河北賊大熾尋轉入河內良王整兵自輝  
縣逐之賊奔修武破避擊越效忠軍于清化鎮效忠  
戰歿參將陶希謙墜馬死賊復走武安良王邀擊之  
萬善驛連敗賊賊乃西扼于文詔又潰而南時良王  
專勦河北賊而豫兵額止七千數被賊折亡殆盡良  
王將昌平兵二千餘人前後與賊戰雖勝負畧相當  
勢孤甚不足制賊賊出沒彰德衛輝懷慶三府焚掠  
徧**質實**清化鎮在河內縣東北四十里涉縣晉置明  
屬磁州以隸于彰德府今徑屬彰德府內邱  
漢中邱後趙石虎改曰趙安隋改內邱明屬順德府  
邢臺宋置明為順德府治今並因之摩天嶺在武安  
縣西北接山西遼州界萬善鎮在河內縣北二十里  
舊有驛今廢王世泰遼東人盧象昇字建斗宜興人

董維坤陳縣人曹鳴鶚大興人吳應科蕭山人本朝乾隆四十一年追謚王世泰董維坤越效忠曹鳴鶚烈愍楊過春陶希謙節愍吳應科吳之秀等並入祠

# 官軍復登州

先是朝廷聞登州陷兵部尚書熊明遇請以副將吳安邦代張可大為總兵官屯寧海規取登州以通州副將楊御蕃署總兵官盡將山東兵與保定總兵劉國柱天津總兵王洪兼程進過賊新城洪先走御蕃拒之二日不勝突圍出遂入萊城與徐從治謝璉並駐萊以圖勦賊賊既據登州遣人招島中諸將旅順副將陳有時廣鹿副將毛承祿皆往從之賊黨益衆乘勢攻黃縣縣丞張國輔叅將張奇功守備熊奮渭力戰死城破知縣吳世楊典史吳茲明被執皆罵賊不屈死進攻萊州從治璉偕御蕃登陴固守賊以萊

城先分兵陷平度知州陳所聞自經死賊還益發兵  
攻萊輦西洋大礮置城下日穴城城多頽從治等投  
火灌穴城者死無算使死士時出掩擊之殺其礮  
臺斬獲多而明遇卒感撫議命主事張國臣為贊畫  
入賊營撫之國臣為賊致書從治等曰毋出兵壞撫  
局從治等知其詐遣間使三上疏言賊不可撫語極  
切至未報時外圍日急國柱洪及山東援軍頓昌邑  
不敢進兩撫臣皆困城中廷議更設總督一人以兵  
部右侍郎劉宇烈任之詔總兵官鄧玘將薊門四川  
兵副將牟文綬將密雲兵監以布政使楊作楫從宇  
烈往援萊比抵山東與巡按御史王道純副將劉澤  
清參將劉永昌朱延祿等並集昌邑所統馬步軍二  
萬五千勢甚盛而宇烈無籌畧諸帥吳儒進次沙河  
日十輩往議撫縱還所獲賊陳文才于是盡得官軍  
虛實益以撫愚之而潛兵繞其後焚輜重殆盡宇烈  
惧走青州撤三將兵就食玘等夜半拔營賊乘之大

敗國柱洪走青雒玳走昌邑澤清接戰于萊城傷二  
指亦敗走平度惟作楫能軍三將既敗舉朝譁然明  
遇見官軍不可用撫議益堅安邦尤却鈍方自寧海  
率兵至登州聞耿仲明將就撫據撤兵離城二十五  
里而營中軍徐樹聲薄城被擒安邦走還寧海登既  
不能下而萊城被圍久璉從治御蕃日堅守待救不  
至賊發西洋礮轟城從治中礮死萊人大臨守陴者  
皆哭山東士大夫官南京者合疏攻宇烈請益兵乃  
調昌平兵三千以總兵陳洪範統之洪範亦遼人明  
遇日跂望曰往哉其可撫也天津舊將孫應龍者大  
言于衆曰仲明兄弟與我善我能令其縛孔有德李  
九成來當事信之予兵三千從海道往仲明偽函他  
死人頭給應龍曰此有德也應龍率舟師抵水城延  
之入猝縛斬之無一人脫者賊得巨艦勢益張遂破  
招遠圍萊陽知縣梁衡固守賊敗去守烈復自青州  
至昌邑洪範文綬等亦抵萊州推官屈宜陽請入賊

營議撫賊伴禮之字烈益信賊可撫為請于朝帝手  
詔諭九成等令解為賊邀字烈讀詔字烈惧不往營  
將嚴正中昇龍亭及河賊擁之去賊且曰必萊州文  
武官出城開讀圍即解御蕃不可璉曰圍且六月既  
已無可奈何姑從之遂階知府朱萬年出有德等叩  
頭扶伏涕泣交頤璉慰諭久之而還既又請璉御蕃  
同出御蕃曰我將家子知殺賊何知撫事璉等遂出  
有德執之猝攻城脅萬年呼守者降萬年呼曰吾死  
矣爾等宜固守且呼蕃御急以礮擊賊遂遇害賊送  
璉至登囚之正中宜陽皆死事聞舉朝恚憤逮字烈  
下獄尚書明遇時亦致仕去遂絕撫議罷總督及登  
萊巡撫不設以朱大典代從治督主客兵數萬及闕  
中勁旅四千八百餘人專任勦賊總兵官金國奇副  
將靳國臣劉邦域參將祖大弼祖寬張輜遊擊柏永  
福及前總兵官吳襄襄子三桂等皆屬焉而以中官  
高起潛監護軍餉抵德州賊復犯平度副將牟文綬

何維忠等殺之殺賊魁陳有時維忠亦被殺尋國奇等至昌邑分為三路國奇將閔外兵為先鋒鄧玘率步兵繼之從中路進昌平總兵劉洪範劉澤清反副將方登化從南路進參將王之福王文緯等從北路進檄遊擊徐元亨等率萊陽師來會以牟文綬守新河諸將皆攜三日糧盡抵新河東亂流以濟至沙河有德迎戰祖寬先進稍却靳國臣繼之賊大敗諸軍乘執追至城下賊夜半東遁圍始解守者疑賊誘礮拒之起潛遣中使入諭閔城相慶既而南路兵亦至國奇等遂擊賊黃縣斬首一萬三千俘八百逃散及墜死者數萬賊竄歸登州官軍築長圍以困之城三面距山一面距海牆三十里而遂東西俱抵海分番戍賊不能出發大礮擊官軍多死傷者李九成遂出城搏戰官軍合擊之賊于陣賊乃曉夜哭賊渠魁五九成有德有時仲明承祿也及是殺其二氣大沮有德欲棄登州走入海島帥黃龍遣副將龔正祥率舟

師四千拒之海口颶風破舟正祥陷賊中謀為內應  
事露被殺有德亦不果行會國奇卒以襄代之攻圍  
益急賊糧絕恃水城可走故不降及王之富祖寬奪  
其水門外護牆賊大懼有德先遁載子女財帛出海  
仲明以水城委副將王秉忠己以單舸遁官軍攻水  
城未下遊擊劉良佐獻轟城策穴城置火藥發之城  
崩將士湧入輒為賊擊退副將王來聘復先登中傷  
死官軍乘之入賊退保蓬萊閭大典招降始釋甲俘  
千餘人護秉忠及偽將七十五人自縊及投海死者  
不可勝計賊盡平有德等走旅順黃龍邀擊之斬九  
成子應元生擒承祿陳光福蘇有功等有德仲明逸  
去乃獻承祿等于朝磔之有德仲明俱降于我

大清  
實實

寧海唐置金州明改衛領中左千戶所  
本

城守章京雍正五年設金州巡檢屬復州通判十二  
年置寧海縣屬奉天府旅順口關在奉天府寧海縣

南一百二十里明時海運海運達金州衛者至此登岸有南北二城俱明初建設中左千戶所今廢廣鹿島在奉天府寧海縣西北海中黃縣秦置唐省入蓬萊縣尋復置明屬登州府今因之沙河有二一在掖縣東四十里源出黃山一在即墨縣南四十里源出大勞山其下流俱入海新河自膠州東南三十里麻灣海口北流合沽河又西北經平度州西南合膠水又北至掖縣海倉口入海元至元十七年從萊人姚演議開鑿謂之膠萊新河縣水城在登州府城北本名備倭城南與府城接北即新開海口為海道要會之區城周三里許門一北砌水門以抵海濤引海水入城中泊船明設立備倭指揮于此蓬萊閣在登州府城北崖山下臨海岸宋治平中建熊明遇字良孺遊賢人楊御蕃蒞鎮西協總兵肇基之子謝璉字君實監利人張奇功真定人吳世揚洛陽人陳所聞文安人張國臣遼東人劉宇烈綿竹人朱大典字延之金

華人明唐王時殉節祖寬遼東人劉澤清曹州人朱萬年黎平人王來聘大興人崇禎四年中武會試莊烈帝銳意重武舉子運百觔大刀者止來聘及徐彥琦二人而彥琦不與選遂下考官及監試御史獄悉貶兵部郎二十二人遣詞臣倪元璐等覆閱取百人視文榜例分三甲傳臚錫宴以前三十卷進呈欽定一甲三人來聘居首即授副總兵武榜有狀元自來聘始也來聘既拜命泣然流涕曰上重武若此不捐軀赴難何以報上恩至是遂死難事聞贈從治兵部尚書建兵部侍郎萬年太常卿世揚光祿少卿所聞太僕少卿並賜祭葬建祠蔭子來聘國輔奇功亦贈卹有差 本朝乾隆四十一年追謚徐從治朱萬年熊奮渭張奇功朱大典王來聘烈愍謝璉吳世揚屈宜陽嚴正中何維忠陳所聞節愍張國輔吳茲明入祠按浙江通志有署登州都司徐應泰者浙江西安人與諸帥合攻有德敗死海中今亦謚節愍山東通

志有百戶劉師古者福山人率鄉勇拒有德于萊州戰死今入祠

# 夏五月套寇犯寧夏總兵官賀虎臣死之

察哈爾合套寇五萬騎自清水橫城分道入守備姚之變等不能禦副吏開先叅將張問政守備趙訪皆潰逃寇遂進薄靈州虎臣急領千騎入守旋盡勒城中兵出擊寇突至虎臣兵不及布陣且衆寡不敵戰歿指揮韓加爵被執支解死虎臣子讚扶五十騎突重圍出察哈爾聞

大清兵將往征之亦遂解去盡驅其部衆渡河遠遁時蒙古諸部先後歸附于我

大清明年

大清兵遂大會諸部頒軍律焉

質實

虎臣死事後贈都督僉事賜祭葬世

蔭指揮僉事韓加爵寧夏人本朝乾隆四十一年追謚虎臣忠烈加爵烈愍

# 六月周延儒罷

延儒為首輔溫體仁欲奪其位務為柔佞取悅于帝帝漸向之復曲謹以媚延儒而陰伺其隙延儒不知也體仁與王永光欲起逆案王之臣呂純如帝以之臣問延儒對曰用之臣亦可雪崔呈秀矣帝悟而止體仁益大恨會延儒子弟家人暴邑中邑中民熟其廬所薦巡撫孫元化復陷登州于是言路交章劾延儒並謂其受巨盜神一魁賄帝意頗動體仁復嗾給事中陳贊化劾延儒昵武弁李元功招搖罔利且謂延儒至稱陛下為義皇上人語悖逆帝大怒下元功詔獄窮治延儒覲體仁為援體仁不應延儒大窘引疾歸體仁遂為首輔廷臣惡體仁當國勸帝復召何如寵如寵固辭而給事中黃紹傑言君子小人不並立如寵瞻顧不前體仁宜思自處帝質實陳贊化朝怒紹傑幾獲譴而如寵卒辭不入

秋七月我

大清兵取旅順總兵官黃龍死之

孔有德耿仲明怒龍邀擊必欲報之會鴨綠江有警龍遣水師往援有德等傾知旅順空虛遂導

大清兵襲其城龍數戰皆敗火藥矢石俱盡遂自刎遊擊李惟鸞知事不支自焚其家屬力戰死部將項祚臨樊化龍張大祿尚可義俱死馬廣鹿島副將尚可喜故與龍相犄角龍既死亦降于

大清實實

龍死事後贈左都督于世廕建祠曰顯忠惟鸞等附祀本朝乾隆四十一年追謚龍忠

烈惟鸞烈愍項祚臨等並入祠

改總兵官曹文詒鎮大同山西巡撫許鼎臣請留文詒

剿賊不許

曾文詒勇敢無前威名風著關中山右勦賊屢著成勞卽其移師會討畿南亦每戰克捷諸將之足以當賊者皆無出其右且方勅以赴期平賊正宜聽其乘銳建功劉令譽乃以纖芥小憾嫉詞妄劾實爲扶私忘公部議

文詒既奉命討河北賊北移師至賊已敗鄧玘于林縣時玘新立功榮州廷議以左良玉軍孤命玘將川兵益以石砭土司馬鳳儀兵與良玉共敗賊玘至濟源射殺賊首紫金梁屢敗賊賊走林縣玘部將楊遇春邀賊中伏死賊用其旗並誘殺他將玘軍遂大敗文詒帥五營軍馳救乘夜襲破賊而路王開玘軍敗上書告急乞濟師帝命倪寵王樸爲總兵官將京營兵六千赴援以中官楊應朝盧九德等監其軍而別遣中官監良玉玘軍未幾復命延綏副將李昇昌平副將湯九州援勦諸軍盡壁河北戰數有功然羣帥勢相軋且中官監軍意弗善也彼此觀望託山深道歧以自解莫利先入故賊無所憚獨憚文詒而文詒竟爲御史劉令譽誣劾以去初文詒在洪洞時令譽方家居風與忤及是令譽按河南而馬鳳儀軍覆賴

又不權事理輕重顧因巡按一言移之他鎮致賊徒無所畏懼出入自如未幾而縱使渡河鴻張益甚悔亦何及明季重文輕武以致宗社卽墟吁可恠矣

文詔擊退賊甫解甲與令譽相見語復相失文詔拂衣起面叱之令譽怒遂以鳳儀之敗為文詔罪部議文詔怙勝而驕調之大同以李卑代署其事鼎臣上章留之不許文詔方出師逐賊敗老回回于濟源又大敗之懷慶截其魁滾地龍誓必欲殄賊質實潞王既聞命以軍事付卑遂與兄子變蛟俱西名常儀簡王玃鏐子王樸榆林衛人湯九州石埭人馬鳳儀忠州人本朝乾隆四十一年馬鳳儀與楊過春並追謚節愍

九月以錢士升為禮部尚書兼東閣大學士預機務

士升故出錢龍錫門下龍錫出獄周延儒詣之極言上怒甚挽赦殊艱龍錫深德延儒未幾溫體仁至龍錫述延儒語且謝曰非公等安得生體仁佯曰上固不甚怒也聞者直體仁而惡延儒士升以座主故因

歸心體仁體仁亦以士  
升鄉人遂引與共政  
**質實**  
錢士升字抑

冬十一月以王應熊何吾騶並為禮部尚書兼東閣大

### 學士預機務

應熊熟諳典故而性豁刻強狠官吏部時以貪污為  
給事中馮元飈所發帝不省及是廷推閣臣以望輕  
不與溫體仁力援之遂以吾騶同入閣命下朝野胥  
駭給事中章正宸劾之曰應熊狠愎自張縱橫為習  
小才足覆短小辯足濟貪今大用必且芟除異己報  
復恩讐混淆毀譽况狼籍封靡淪于市行願收還成  
命別選忠良疏入帝大怒下正宸詔獄削籍歸應熊  
益得志日與體仁及尚書張捷比力引逆黨呂純如  
等屢為言官所  
**質實**  
王應熊字非熊巴縣人何吾騶  
攻帝皆不問  
香山人章正宸字羽侯會稽人

賊渡河陷澠池諸縣分掠南陽汝寧遂犯湖廣

賊盡集河上高迎祥李自成張獻忠羅汝才等俱至左良玉湯九州等扼其前京營兵感其後賊連戰皆敗欲逸阻于河大困乃詭詞乞降監軍內臣楊進朝信之為入奏諸將俟朝命不出戰會天寒河水合賊從毛家寨徑渡河南軍無扼之者遂陷澠池教諭羅世濟督民兵力戰被執不屈死之賊乘勢攻破伊陽復犯盧氏中州承平久不設備驟聞賊至吏民惶駭知縣金會嘉棄城遁賊入城鄉官李中正勒家衆及里中壯士奮擊衆寡不敵力戰歿賊縱掠城中執舉人靳謙書使跪不屈大罵而死賊既入河南自是屢陷名城殺將士無算紳士亦多被難其尤著者盧氏則生員常省身常嘉元孫孚秀閩鄉則在籍濟南教授高第貢生閻思聰偃師則生員裴君台又宜陽馬足輕靈寶許輝新安劉君培馬山李登英陝州張我

正張我德嵩縣傅世濟李佩玉孟津孫挺生上蔡劉  
時寵輩則先後以布衣抗節時巡撫元默聞賊南犯  
率良王九州及李卑鄧玘兵禦之境上賊乃竄盧氏  
山中由間道入內鄉大掠南陽汝寧直走湖廣所在  
告急賊始起陝西高迎祥最強李自質實  
成屬馬及渡河自成始別為一軍  
質實  
明屬河南

府今因之毛塞塞在滎池縣西北閿鄉隋置明屬陝  
州以隸于河南府今升陝州為直隸州縣仍屬馬偃  
師漢縣新安亦漢置明並屬河南府今因之羅世濟  
平利人子得鴻練兵守平利殺賊甚多城破妻子俱  
死事在明年李忠正官兵部車駕司主事崇禎初謝  
病歸里常省身據險與賊戰兩晝夜力不支令妻子  
縊死拔劍自刎常嘉元孫季秀俱罵賊死高第授崖  
死閩思聰率眾攻賊營不克死裴君合事寡母至孝  
賊至招鄉人保沙岸塞十晝夜說之降大罵不從塞  
破磔死馬足輕性孝友聞賊渡河挈家避之石龍崖


三女皆殊色慮賊汚悉投崖死足輕被執厲聲大罵賊怒並三子殺之家衆皆遇害惟存次子駿一人後登鄉薦許輝為縣陰陽官為賊所執大罵見殺劉君培有義行攜子及從孫避難道遇賊欲殺其從孫君培曰我尚有男此子乃遺孤幸舍之而殺我賊如其言二子獲免馬山性剛直土寇于大中乘賊亂陷新安獲山使負米叱曰我天朝百姓肯為賊負米耶大罵而死李登英亦以罵賊死張我正率衆禦賊賊愛其勇欲生致之我正殺賊力竭大罵曰刎張我德一門二十七人皆登樓自焚傳世濟與兄世舟俱被執將殺之世濟爭死奪賊刀自殺賊釋其兄李佩玉結壯丁捍鄉井往往奪賊輜重後隣村被圍佩玉往救力戰死孫挺生避賊居河渚為賊所得與妻梁氏俱嘗賊死本朝乾隆四十一年追謚李中正烈慈羅世濟等並入祠元

默字中象靜海人





御定資治通鑑綱目三編卷三十五



總校官舉人

臣

章維桓

校對官中書

臣

吳翼成

謄錄監生

臣

譚湘鏡

欽定四庫全書叢要

史部

御定資治通鑑綱目三編卷二十八

六至

詳校官編修臣汪鏞



欽定四庫全書薈要卷七千四百四十八 吏部

御定資治通鑑綱目三編卷三十六

起甲戌明莊烈崇禎七年  
盡丙子明莊烈崇禎九年 凡三年

七年春正月以陳奇瑜總督河南山陝川湖軍務討



初流賊既自秦入晉掠河北畿南關中寇患少紓奇  
瑜時為延綏巡撫復分遣文武將吏擒斬賊渠截山  
虎等百七十七人他賊多解散獨鑽天哨開山斧據  
永寧關前阻山險下臨黃河負固數年不下奇瑜謂  
是不可以力取乃陰簡銳士陽言總制檄發兵令賀  
人龍將之而西身為後勁直抵延川俄策馬東曰視

吾馬首所向潛師疾走入山賊不虞大兵至驚潰焚其巢斬首千六百有奇二賊俱馘分兵擊斬賊首一座城等獲首級五百五十延水羣盜盡平奇瑜成名著關陝至是賊南渡河澗湖廣窺四川廷議諸鎮撫事權不一宜設大臣統之多推薦洪承疇以承疇方督三邊不可易乃擢奇瑜兵部侍郎兼右僉都御史總督五省軍務專辦流賊

質實

永寧關即延水關注見前  
陳奇瑜字玉鉉保德州人

賊自鄖陽渡漢遂入四川二月陷夔州

先是賊既渡河張應昌追敗之靈寶湯九州李昇又敗之嵩縣內鄉及入湖廣屢又敗之光化賊聞官軍至輒以老弱委之而精銳多前走故諸將動稱捷報功賊勢彌熾鄖陽諸屬邑皆先後陷房縣知縣貢從

貴保康知縣方國儒竹溪訓導王紹正死之賊遂自  
鄖陽渡漢薄穀城犯襄陽羣賊畢會分陷紫陽平利  
而擁衆南攻興安破其城殺知縣劉定國縱掠歸州  
巴東夷陵突入四川攻夔州城中倉猝無備通判推  
官悉遁同知何承光攝府事率吏民固守力竭城陷  
承光整衣冠危坐賊入殺之投屍於江又陷大寧殺  
知縣高日臨訓導高錫巡檢陳國俊其他部連陷巫  
山通江廵檢郭纘化指揮王永年力戰死自賊起陝  
西轉寇山西畿輔河南北及湖廣四川陷州縣以數  
十計未有破大郡者夔州地稱天險及是失守遠近  
震動會左良玉自石砬赴援川北副將張令復以兵  
扼諸要害賊不敢進乃析其黨為二一走還楚一自  
通江走廣元冲百丈關殺守備郭震辰指揮田實由  
七盤陽平關入秦以抵鞏昌總督洪承疇禦之秦州  
賊遂越兩當襲破鳳縣主簿吉永昌教諭李之蔚鄉  
官魏炳皆遇害賊又析其黨為二一由鳳縣奔寶雞

汧陽一向漢中取間道犯城固洋縣東下石泉漢陰殺鄉官楊呈秀會於漢中興安以窺商雒商州防守閭調化勦賊於雒被執不屈死而張獻忠亦自應山西奔商雒以十三營流入漢南

**質實**

光化宋析穀城縣地置乾德尋改光化穀城隋置明並屬襄陽府今因之紫陽明正德八

年於荊州地立紫陽堡尋升縣屬興安州屬漢中府今升興安為直隸州縣仍屬焉歸州唐置明洪

武元年廢尋復置以秭歸縣省入隸荊州府本朝雍正六年升直隸州十六年改屬宜昌府巴東

隋置明初屬夷陵州隆慶四年改屬歸州今屬宜昌府夷陵漢縣北周為硤縣隋唐宋為夷陵郡治

元為硤州路明初為硤州府治洪武九年降夷陵州屬荊州府本朝雍正十三年改設東湖縣為

宜昌府治七盤嶺在廣元縣北一百六十里七盤嶺上兩當後魏置明屬徽州以隸於鞏昌府至本朝

雍正七年改屬秦州鳳縣西魏鳳州明降縣屬漢中府今因之城固漢縣洋縣唐洋州明降縣與城固並屬漢中府今因之石泉西魏置元省明復置並屬興安州以隸於漢中府今屬興安直隸州貢從貴元城人方國儒字道醇歙人事母以孝聞賊大入湖廣將吏率望風先奔保康邑小素無兵賊至國儒率鄉兵出禦力不支城陷被執罵賊中七刃死何承光鎮遠人死事後贈薊州知府高日臨字嚴若鄰陽人賊攻大寧見勢弱不能禦翼指書牒乞援上官率衆捍賊北門兵敗被執大罵不屈賊碎其體焚之高錫之妻女陳國俊之妻亦皆遇害吉永祚輝縣人為鳳縣主簿謝事將歸會賊至知縣棄城遁永祚倡義拒守城破北面再拜曰臣雖小吏嘗食祿於朝不敢以謝事逃責子士樞士模皆死事聞贈漢中府經歷同死難之李之蔚魏炳贈有差楊呈秀官順慶知府大計罷歸賊至佐

有司守禦力戰被執大罵賊磔之其弟呈芳單騎入賊營斬賊數十重創死閫調化商州人以武進士署商州守防事六年冬奉檄入雒剿賊至是殉節  
本朝乾隆四十一年追諡方國儒吉永祚高日臨王永年郭震辰田寶楊呈秀烈愍貢從貴何承光閫調化節愍王紹正等並入祠

三月丁亥朔日有食之

夏四月山西陝西大饑

山西赤地數千里大饑人相食給事中吳甘來疏請發粟以賑且言山西總兵張應昌等多殺難民冒功中州諸郡畏官軍甚于賊陛下生之而不能武臣殺之而不顧臣實痛之也又言賞罰者將將大機權也陛下加意邊陲賞無延格乃閩海獻捷黔蜀爭功待勘累年急則用其死緩緩則束以文法况封疆之罰

武與文二內與外二士卒與將帥二受命建牙或逮或逐而跋扈將帥罪狀已暴止於戴罪偏裨不能令士卒將帥不能令偏裨督撫不能令將帥將聽賊自來自去誰為陛下翦凶逆者疏入詔發帑振饑而軍政無章如故

## 五月大旱

帝因旱求言給事中黃紹傑乃疏論溫體仁畧言漢世災異策免三公宰執亦因罪以求罷今者久旱陛下修明政治納讜言可謂應天以實矣而雨澤不降何哉天有所甚怒而不解也次輔溫體仁者秉政數年上千天和無歲不早膜無日不風霾無處不盜賊無人不愁怨秉政既久窺矚益工中外趨承益巧一人當用則曰體仁意未遽爾也一事當行則曰體仁聞恐不樂也覆一疏建一議又曰慮體仁有他屬不

然則體仁忌諱無撓其銳鋒也凡此名變之尤願陛下罷體仁以回天意體仁罷而甘霖不降殺臣以正欺君之罪帝方眷體仁貶紹傑一秩體仁疏辨且許其別有指授紹傑言廷臣言事指及乘輿猶荷優容一字涉體仁必遭貶黜誰不自愛為人指授耶因列其罪狀且曰臣所仰祝聖明洞燭體仁奸欺者其說則有兩端下惟明黨一語可以箝言官之口挑善類之禍上惟票擬一語可以激聖明之怒蓋憤悞之愆體仁猶辯且以朋黨為言紹傑遂言體仁受銅商王誠金體仁長子儼受巡撫沈榮及兩淮巡鹽高欽順等金皆萬計體仁用門客王治東南之利皆其轉輸體仁私邸兩被盜失黃金寶玉無算匿不敢言帝怒調為上林苑署丞遷行人司副

六月陳奇瑜圍賊於車箱峽賊偽降奇瑜縱遣之賊遂

# 叛陷所過州縣

先是奇瑜檄諸將會兵陝州圖進勦而廷議以鄆陽屬邑皆陷逮撫治蔣元儀擢大名副使盧象昇代之助奇瑜勦賊會賊之自蜀還楚者張應昌擊之五嶺山敗績身中一矢退還賊遂大入又分其黨為三一犯均州往河南一犯鄆陽往浙川一渡河犯商南奇瑜乃馳至均州檄陝西巡撫練國事駐商南遏其西北河南巡撫元默駐盧氏遏其東北湖廣巡撫唐暉駐南漳遏其東南奇瑜偕象昇由竹溪至平利之烏林關十餘戰大破之總兵官鄧玘及別將楊化麟楊世恩周任鳳楊正芳等分兵擊賊復連勝副將劉遵等搜竹溪平利賊先後斬馘三千有奇擒其魁十餘人叅將賀人龍等逐賊八晝夜至紫陽賊死者萬餘人奇瑜以湖廣賊多鼓行而西謂賊不足平乃遣游擊唐通防漢中以護藩封叅將賀人龍劉遵夏鎬扼

畧陽沔縣防賊西遁副將楊正芳余世任扼褒城防賊北遁自督副將楊化麟柳國鎮等駐洋縣防賊東遁又檄練國事盧象昇元默等守要害截賊奔逸賊見官軍四集大懼悉遁興安之車箱峽諸渠魁高迎祥李自成張獻忠等咸在馬峽四面囓立中亘四十里易入難出賊悞入其中山中居民下石擊或投以炬火且壘石塞其口路絕無所得食困甚又大雨二旬弓矢盡脫馬乏芻死者過半自成窘甚用其黨顧君恩謀以重寶賂奇瑜左右及將帥偽請降奇瑜意輕賊有驕色遽許之悉籍其名勞遣歸農每百人以一安撫官護之檄所過州縣具糗糧傳送諸將無邀擊以撓撫事賊既出棧道即大譟叛盡殺安撫五十餘人屠所過七州縣署麟遊知縣董時和死之而賊之屯漢興者亦自畧陽來會關中大震奇瑜悔失計因委罪他人以自解賊初叛猝至鳳翔誘開城守者知其詐給以縋城上殺其先登者三十六人餘噪而

去其犯寶雞者亦為知縣李嘉彥所挫奇瑜遂劾嘉  
彥及鳳翔鄉官孫鵬等撓撫局帝怒遣嘉彥鵬及士  
民五十三人奇瑜又委罪練國事國事上言漢南賊  
盡入棧道奇瑜檄止兵臣未知所撫實數及見奇瑜  
疏八大王部萬三千餘人蠟子塊部萬五百餘人張  
妙手部九千一百餘人八大王又一部八千三百餘  
人臣不覺仰天長嘆夫一月內撫強寇四萬餘盡從  
棧道入內地食飲何自出安得無剽掠且官軍防護  
一大帥止將三千人而一賊魁反擁萬餘衆安能受  
紀律耶賊皆藉口歸籍然延安州縣驟增四萬餘人  
安集何所合諸征勦兵不滿二萬而降賊踰四萬豈  
內地兵力所能支宜其連陷各城而不可救也若咎  
臣不堵勦則先有止兵檄矣若云賊已受撫因候殺  
使人致然則未誤殺之先何為破麟遊永壽為今之  
計惟急調大軍致討若仍以願回原籍禁兵勿勦三  
秦之禍安所終極哉疏入事已不可為遂連國事下

質實

車箱峽在興安州界五嶺在均州界均州戰國時為均陵隋置均州明屬襄陽府今因之

淅州後魏置後周省入中鄉縣五代梁復置淅水金省入內鄉明成化時復置屬鄧州以隸於南陽府今徑屬南陽府烏林關在平利縣東南二百七十里一名武陵關襄城漢褒中隋改褒城明屬漢中府今因之永壽唐析新平縣地置明屬乾州以隸於西安府今升乾州為直隸州縣仍屬焉唐暉歙人董時和陽武人以扶風縣丞署麟遊縣事城陷遇害時麟遊生員趙應璧隨母避賊賊至母投壚死應璧從之本朝乾隆四十年追謚時和節愍應璧入祠

發明

車箱峽之役實為流賊殄滅之一機時李自成張獻忠同困峽中進退不可芻糧傷

盡已成束手待斃之勢而陳奇瑜遣將分防截其遁逸於兵法亦握勝算一旦舉而殲之易如反掌積年巨寇得以掃蕩芟夷天時地利未有若斯之宜者何乃為左右所愚尋楊鶴之覆轍而縱之使逝至令困獸出柙反噬益甚厥後盜氛日張毒流海宇延禍無窮史稱流賊之肆毒始楊鶴而成於陳奇瑜信矣莊烈不早燭受降之失計至連陷名城猶聽其飾辭卸過轉逮禦寇之孫鵬李嘉彥以為流賊報仇及練國事之疏叙奇瑜失策之罪極為透悉復以事不可為而建國事下獄政刑顛倒坐失事機明之亡豈盡天為之哉

秋七月我

大清兵入上方堡至宣府京師戒嚴

先是宣府巡撫沈榮遣使乞和於  
大清與我阿什達爾漢達雅齊龍什衛寨筵等刑白馬  
烏牛定議尋二哨卒出邊被獲

大清以約既定即遣還之有三人私入邊者斬一人界  
上鞭二人百貫其耳還所取物於邊吏我  
大兵征察哈爾道出宣府邊城多頽壞我

太宗文

皇帝諭軍士無或躁躍而廷議責榮專擅尚書熊明  
遇曲為榮解帝不悅逮榮下吏明遇亦為言官所劾  
罷於是遼東諸將間出邊擾我屬部戕害二十餘人  
張家口守臣復多匿遁逃

大清屢諭責之怙不悛及察哈爾既下林丹汗走死其  
宰桑巴圖魯魯噶爾馬濟農等率衆降獨卜內額爾等  
攜察哈爾汗之二妻一妹及其部衆奔榆林西宣大  
寧錦諸邊吏欲冒為功爭招納之

大清兵由察哈爾凱旋因入邊問罪四路並進自宣府  
趨應州畧大同下得勝堡叅將李全自縊進攻保安

知州閻生斗集吏民拒守城破被執死之守備徐國  
秦判官李師聖吏目王本立訓導張大魁生員姚時  
中張師載亦同死旋入靈邱縣知縣蔣秉采募兵堅  
守力屈衆潰投繯死合門殉之守備余世奇把總陳  
彥武馬如易典史張標教諭路登甫並戰死又守備  
張修身常汝忠亦先後殉節死沿邊城堡多失守遠  
近震懼特詔總兵陳洪範守居庸保定巡撫丁魁楚  
守紫荆雁門總兵尤世威吳襄等援邊而以宣大總  
督張宗衡節制各鎮援兵宗衡暨總兵曹文詔張全  
昌等皆不敢戰代王母楊太妃命宗衡等求和我  
大清亦布告以申討之意既下萬全左衛邊班師宗衡  
文詔全昌及巡撫江沾恩等並遣戍山西巡撫吳牲  
請留文詔全昌勦晉賊自贖帝可之兵部議令文詔  
馳勦河南賊姓復抗疏爭請先平晉賊後入豫帝不  
許而文詔以姓有思意取道太原為姓所留時山西  
降盜王嗣王之臣通天柱等已為前巡撫戴君恩所

斬獨賀宗漢劉浩然王加計猶擁衆自恣剽掠城邑  
垣曲典史秦宗恩黎城布衣李養裕先後以督鄉勇  
捍賊死牲陽為招撫密令叅將猛如虎虎大威劉光  
祚等圖之山西盜盡平明年鳳陽告陷文詔遂整兵  
行南

質實

得勝堡在大同縣北八十里東至邊牆三里  
北至邊牆三里明嘉靖十年築城今曰得勝

路靈邱漢縣明屬蔚州以隸於大同府今徑屬大  
同府垣曲漢垣縣宋改垣曲明屬絳州以隸於平  
陽府今升絳州為直隸州縣仍屬焉閻生丰汾西  
人徐國泰上虞人妻薛氏妾王氏閻門十三人皆  
殉節李師聖隆谷人薛秉采全州人秦宗恩武陽  
人本朝乾隆四十一年追謚徐國泰烈愍李全  
閻生斗蔣秉采余世奇張修身常汝忠節愍李師  
聖秦宗恩李養裕等並入祠丁魁楚永城人代王

傅濟代簡王柱十一  
世孫崇禎間襲封

冬十一月陳奇瑜有罪下獄以洪承疇代之

給事中顧國寶御史傅永淳交章劾奇瑜受賄縱賊  
詔錦衣逮訊而以洪承疇代時賊已蔓延不可撲滅  
而大學士溫體仁謂山西巡撫吳甡曰流賊癘疥  
疾不足憂也奇瑜罪當死有庇之者未幾謫戍遼

質實

顧國寶南通州人  
傅永淳靈壽人

賊自陝西出犯河南

溫體仁巧詐阻  
深貌為公直以  
要結主知及在  
閭惟日以蔽賢  
植黨為事甚至  
力翻閭衆變亂  
是非而于邊計  
民生皆漠然置

賊自逸出車箱峽大掠所過州縣擁衆而西陷澄城  
圍郟陽比洪承疇兵至解圍去轉寇平涼邠州進攻  
隆德破其城殺知縣費彥芳鄉官楊泰初生員楊泰  
運皆殉節死遂薄靖海州固原叅政陸夢龍率遊擊

之不問己為誤國罪首至流賊橫行日久閭閻覆轍相尋其糜潰滋深雖童稚亦知為淪胥無日乃體仁並未聞有勦盜深謀專指劇寇為癖疥置隱憂于度外真不優少具人心莊烈偏聽生奸尚加信倚崇禎十七年之間相更五十而體仁獨居位八

賀奇勲都司石崇德禦之賊初不滿千已而大熾夢龍所將止三百餘人被圍數重賊矢石如雨突圍不得出二將抱夢龍泣夢龍揮之曰何作此婦孺態大呼奮擊手截數人與二將俱戰死未幾復圍隴州賀人龍馳救之賊悉眾環攻李自成以人龍同里間遣其將高傑遺書招之令反人龍不報堅守兩月左光斗救至圍始解廷議以賊聚陝西詔河南兵入潼華湖廣兵入商雒四川兵由興漢山西兵出蒲州韓城共計賊而湖廣一軍尋覆於雒南副總兵楊正芳及裨將張上達皆死之當是時賊二十餘萬往來關中連營輒百餘里別賊萬餘屯雒南閿鄉蹂躪郡邑數十諸將先後以死事著者有總兵殷體信遊擊丁孔應指揮李學牧守備史大勲昌平鎮將凌元機胡良翰花馬池營千總蔡應昌而甘泉知縣蒲來舉崇信知縣龐瑜三陽知縣董三謨真州知州婁璆麟遊知縣呂鳴世則皆以長吏殉城死其士民仗義者涇陽

年終致傾危莫  
挽亡國之君各  
賢其臣于體仁  
又何責焉

布衣王祚以捍賊死耀州生員宋緒湯以詈賊死賊  
氛方日熾聞承疇將合諸路兵進勦賊渠高迎祥李  
自成等遂竄入終南會西寧兵變殺將領承疇還軍  
定亂賊又出終南分陷關隴及承疇自甘肅引兵而  
東賊乃悉衆東奔陷陳州靈寶汜水滎陽河南復震  
賊每營數萬兵更番進皆因糧宿飽官軍寡備饋餉  
或不繼賊介馬馳一日夜數百里官軍步多騎少行  
數十里輒疲乏以故多畏賊時左良玉扼新安渾池  
陳治邦駐汝陳永福扼南陽皆坐甲自保良玉前在  
懷慶與督撫議不合因是生心緩追養寇多收降者  
以自重督撫檄調不時應命漸有跋扈端實無  
意殺賊而賊傳良玉且至移壁梅山溱水間

質實

邠州

西魏置邠州唐改豳曰邠明屬西安府  
本朝雍正三年直隸陝西省隆德金升德

順州之龍德寨為縣明屬靜寧州以隸於平涼府  
今徑屬平涼府崇信唐於原州地築崇信城宋始

置縣涇州唐置明並屬平涼府今因之梅山在鄭州西南三十五里與新鄭縣接界費彥芳崇德人按崇德明屬嘉興府本朝康熙元年改石門楊泰初官松江通判方里居賊陷城與子生員善俱赴井死楊泰運為賊所執罵不絕口斷舌死陸夢龍浙江山陰人贈太僕卿殷體信朔州人戰歿於陣丁孔應寧夏人被執不屈遇害李學牧亦寧夏人陷賊中與王風木等謀舉義事洩北面再拜受刃吏大勲長安人率兵逐賊馬蹶被執為所殺凌元機胡良翰皆湯九州部將賊屯閭鄉九州遣元機良翰搜山敗歿蔡應昌寧夏中衛人赴勦血戰死蒲來舉蓬溪人賊犯甘泉守備孫守發擁兵不救城陷來舉手刃數賊死之贈光祿少卿龐瑜字堅白公安人崇信故無城遭兵荒縣止貧戶百餘瑜知賊必至集士民築土垣以守流涕誓死職會天大雨土垣盡圯賊大至瑜急解印遣家人齎送

上官端坐堂上賊梓令跪瑜罵曰賊奴敢辱官長  
拔刀脅之罵益厲賊掠城中無所有執至野外剖  
心裂腹而死贈固原知州董三謨黎平人與父嗣  
成弟三元俱殉難妻李氏亦携子女偕死贈光祿  
丞婁琇湘陰人知涇州城陷死贈太僕少卿呂鳴  
世福建人麟遊屢被賊鳴世撫居民有恩城陷賊  
不忍加害自絕食六日死按湖廣通志有知府簡  
而可者遂安人亦於是年殉節死 本朝乾隆四  
十一年追謚陸夢龍忠烈費彥芳賀奇勲石崇德  
楊正芳張上達殷體信蒲來舉龐瑜婁琇烈愍楊  
泰初凌元機胡良翰丁孔應李學牧史大勲董三  
謨呂鳴世簡而可節愍楊泰運蔡應昌並入祠

乙亥八年春正月詔洪承疇出潼關討賊

帝以河南賊熾命承疇出潼關與山東巡撫朱大典  
協勦時賊方屯梅山漆水乘間陷上蔡固始諸縣聞

承疇將出關遂大會羣賊於滎陽老回回曹操革裏  
眼左金王改世王射塌天橫天王混十萬過天星九  
條龍順天王及高迎祥張獻忠共十三家七十二營  
議敵官軍未決李自成進曰匹夫猶奮況十萬衆乎  
官軍無能為也宜分定所向利鈍聽之天皆曰善乃  
議革裏眼左金王當川湖兵橫天王混十萬當陝兵  
過天星扼河上綴河上兵迎祥獻忠及自成畧東方  
老回回九條龍往來策應陝兵銳益以射塌天改世  
王所破城邑子女玉帛惟均衆如自成言始迎祥與  
獻忠並起比肩而自成乃迎祥支黨不敢與獻忠偶  
及是遂相頡頏與俱東掠自固壽抵霍邱陷其城縣  
丞張有俊教諭倪可大訓導何炳若鄉官戴廷對田  
既庭舉人王颯貞張燦恒死焉遂燔壽州攻潁州知  
州尹夢鼈通判趙士寬方謁上官於鳳陽驟聞賊至  
立馳還賊已抵城下率民壯固守城北有高樓可瞰  
城中諸生劉廷傳請先據之夢鼈以為然而廷傳所

統皆市人不可用賊遂據樓而攻且鑿城頽數丈城上人皆走止之不可夢鼉持大刀獨當城壞處殺賊十餘人身被數刃賊衆畢登遂投城下烏龍潭死城既陷士寬率衆巷戰力竭亦赴水死潁川衛在州治西北隅賊分攻衛城指揮李從師王廷俊千戶孫升田三震百戶羅元慶田得民王之麟前所百戶汪檀俱乘城戰死衛經歷胡士定及廷傳以罵賊死致仕尚書張鶴鳴暨其弟叅政鶴騰子大同闔門皆遇害中書舍人田之穎光祿寺署正李生白署丞李元白黃岩知縣劉道遠會寧知縣楊南同殉節死其他官紳士庶死難者共一百三人城中婦人殉節者二十七人烈女八人一時忠烈稱獨盛城破後亦無一人向賊乞憐者賊怒遂屠之

質實

霍邱隋置明屬壽州以隸於鳳陽府本朝雍正二年改屬潁州十三年升潁州為府縣

仍屬焉。潁川衛明洪武初置隸河南都司以屬於右軍都督府。今廢。倪可大儀徽人。賊犯霍邱。知縣逸去。可大督民壯逆戰。以奇策斬賊首數百。分守城北。賊以駁攻陷南門。被執。齧指血噴賊。被磔死。妻女皆自縊。僕倪表亦死。何炳若河南人。戴廷對官福建通判。田既庭官淮安教授。尹夢鼈雲南太和人。弟姪七人皆從死。趙士官字汝良。掖縣人。官鳳陽通判。駐潁州。妻李氏攜三女登樓自焚。僕王丹亦罵賊死。胡士定廣濟人。劉廷傅故布政司九光從子。九光子廷石分守西城中。賊刃未殊。口授友人方畧。令繕書上當事。旋卒。張鶴騰官雲南叅將。行誼醇篤。譽過其兄。鶴鳴賊執鶴鳴兄弟倒懸。鶴鳴於樹皆罵不絕口。死後給事中林正亨錄上其狀。贈夢鼈光祿少卿。士寬光祿丞。餘贈恤有差。本朝乾隆四十一年。追諡尹夢鼈忠節。倪可大張鶴騰烈愍。戴廷對趙士寬李從師王廷俊田之

穎李生白李元白劉道遠楊南節愍何炳若孫升  
胡士定劉廷傳廷石等及死難官紳士庶名見史  
乘者為夔州府訓導丁嘉遇候選經歷汪邦弼舉  
人白精忠郭三杰貢生李茂叢楊得坤審儉生員  
韓光祖檀之槐李維紀王致志張維黃劉大濟田  
大生聞于階弟子邦王國泰元鳳翔卞文斗王乾  
亨丁嘉運劉栻姚克志丁崇先郭之英姚同寅尚  
日暄陳純李孕生王致和申華郭之豪田之萃郭  
煒馬負圖錢人偉羅元貞馬家國馬柱國韓仲佐  
楊于世王啟昌邢元錫熊協夢王維新李汝庭盧  
傳世喻天叙楊士貞郭之產郭獬賀嘉貞聞慎言  
監生王文煥田之蔚田之茂田之尹武舉尚日躋  
李承訓醫官張濟民禮生孔道隆儒士田之蕙于  
振先布衣鹿勛元中元嚴克長王尚廉元旋祁標  
王公枋張肅範王之幹趙謙祁瀛藩守仁汪茂椿  
張思明王國王九成王印王聘汝陳繼信並入祠

韓光祖母李氏妻武氏偕一妹二女赴井死妾李氏方有娠被剖腹死次子定策孫日曦皆罵賊死檀之槐護母柩不去被磔死李維紀妻趙氏及子女十八人投井死王致志妻唐氏妾賈氏同殉節賊陷鳳陽留守朱相國等死之

先是南京兵部尚書呂維祺懼賊南下請防護鳳陽陵寢不報給事中孫晉亦以爲憂言於兵部尚書張鳳翼鳳翼曰賊起西北不食稻米賊馬不飼江南草公南人何憂賊遂不設備賊漸逼江北鳳翼乃請救漕運都御史楊一鵬移鎮鳳陽溫體仁格其議鳳翼亦不能再請事益急給事中許譽卿請速調五千入守鳳陽而賊已自壽州分部來犯鳳陽故無城國相率指揮袁瑞徵呂承蔭郭希張鵬翼周時望李郁岳光祚千戶陳宏祖陳其忠金龍化等以兵三千逆戰上竈頗有斬獲頃之賊數萬至矢集如蝟官軍敗國

相自刎死餘皆陣歿一鵬在淮安遠不及救賊遂燔  
皇陵大肆殺掠千戶陳永齡百戶盛可學衛經歷胡  
尚綵府經歷唐蕭懋烈等四十餘人推官萬文英子元  
亨及舉人蔣思宸布衣陳自修等六十餘人皆殉節  
死公私邸舍被焚者二萬餘間光燭百里賊渠張幟  
自稱古元真龍皇帝合樂大飲自成從獻忠求皇陵  
小閹善鼓吹者獻忠不與自成怒偕迎祥西趨歸德  
復謀入關獻忠獨東攻廬州州民乘墉捍賊有張四  
哲者偕弟四美四奇奮力迎戰歿死州城堅賊百計  
攻不克去攻舒城知縣章可試塞三門開西門誘賊  
入陷於坑奔潰死者千人遂走圍廬江士民具財帛  
求免賊偽許之俄襲陷其城里居叅政盧謙舉人張  
受畢伊周死之連陷無為巢潛山太湖宿松屠其城  
太和霍山六安亳州悉被殘破其別部復分陷羅田  
徐州及虞城商邱汝寧真陽新蔡是時諸州邑殉難  
死者無為州知州張化樞巢縣則知縣嚴覺潛山則

知縣趙士彥太湖則知縣金應元守備趙蔭趙繼春訓導扈永寧宿松則生員劉之暄袁師臯萬民望柴維煥布衣陳昌言夏時行石思行太和則生員秦培篤秦思允霍山則教諭龔元祥訓導姚允恭六安州生員梅國秀亳州則布衣李心惟李如龍李猶龍羅田則知縣梁志仁教諭吳鳳來訓導盧大受典史單思仁徐州則知州陳桂棟商邱則舉人賈遂李明開武舉史懋明虞城則生員宋鼎延真陽則知縣王信汝寧則江陵生員劉楷賊既蹂躪江北流擾蘄黃汝寧歸德之間圍桐城者數月應天巡撫張國維率副將許自強東西奔擊解桐城圍遣守備朱士允趨潛山把總張其威趨太湖士允戰死自強遇賊宿松殺傷相當安慶山民礫石以投賊賊多死乃越英霍走麻城以去變聞於朝帝以皇陵毀素服避殿逮一鶚下獄棄市以朱大興代之譽卿等憤體仁鳳翼玩寇速禍疏言流賊發難已久樞臣因東南震鄰始有淮

撫操江移鎮之請識者已恨其晚而閭臣票擬則曰不必移鎮臣觀各地稍有兵力賊即不敢輕犯鳳陽何地使巡撫早移豈有今日今樞臣以曾請移鎮藉口撫臣以不必移鎮為詞則輔臣欲辭玩寇之罪其可得哉帝以譽卿苛論妄言切責之

**質實**

上窰鎮在懷遠縣南五十里宋史李穀傳周顯德三年穀敗吳軍數千於來遠又破千餘

人於山谷鎮進攻上窰即此廬江漢初置舒縣文帝十六年置廬江國治此後為廬江郡治隋廢郡改縣曰廬江明屬廬州府今因之巢縣夏商時南巢地漢置居巢縣唐改巢縣明屬無為州以隸於廬州府今徑屬廬州府潛山元析懷寧縣置太湖漢皖縣地劉宋以豫部蠻民立太湖縣明並屬安慶府今因之商邱漢睢陽明洪武初省嘉靖中置商邱為歸德府治真陽漢慎陽隋改真陽明屬汝

寧府今改縣曰正陽仍屬汝寧府鳳陽衛在鳳陽縣東南十三里今廢英山春秋時英氏地宋初為蘄州羅田縣地咸淳時分置英山縣明屬六安州以隸於廬州府今屬六安直隸州麻城隋置明屬黃州府今因之朱國相榆林衛人呂維祺字介孺新安人孫晉祠城人楊一鵬臨湘人胡尚綵淳安人賊犯鳳陽衛城獨擊卻之後賊復至被執不屈死蕭懋烈歸化人萬文英南昌人方卧病賊索之子元亨年十六泣語父兒不得復事親矣出門呼曰若索官何為我即官也賊繫之極口大罵斷脛死文英獲免蔣思宸投繯死陳自修繞父柩哀鳴被害盧謙字吉甫官山西右叅政引疾歸廬江陷謙服命服危坐中門賊至欲屈之罵曰吾朝廷憲臣肯為賊屈耶鼠輩滅在即安敢無禮賊怒殺之投屍於池池水盡赤張化樞雲南永平人嚴覺歸安人一門皆殉節金應元會稽人流賊據城東大

濠奸人導賊渡為所執斫未殊自經死趙蔭吳江人賊襲營被執不屈死趙繼春與獻賊戰於洪家嶺無援死之扈永寧霍邱人劉之暄代父死賊釋其父萬民望代母死賊釋其母袁師臯見賊欲殺其母與相持受數刃死柴維煥與三子同遇害秦培篤與妻王氏俱死秦師允被賊執挾之攻城呼告城上曰賊以牛皮冒車避矢石所懼惟火耳賊殺之城上投薪焚賊車城得全龔元祥長洲人賊犯霍山知縣先遁元祥督民固守城破與子炳衡俱被殺事聞贈國子助教建祠曰忠孝以其子配之姚允恭盱眙人李心維李猶龍皆以守親柩遇害心維子果從死如龍猶龍從弟執其母奮力擊賊為所殺梁志仁南京人保定侯銘之裔也羅田界湖廣江北之交志仁日夕儆備羅汝才以其長者不忍加兵會邑豪江猶龍與賊通志仁捕下獄猶龍知必死潛遣人導汝才別校來攻城陷志仁

持長矛巷戰殺六賊力屈被繫罵賊支解妻唐氏亦被殺典史單思仁等並死汝才在英山聞之馳至以擅害長者斬其別校吳鳳來福建人盧大受寶慶人詔贈志仁知州思仁主簿鳳來助教大受學錄陳桂棟鄰水人王信陝西寧州人出撫土寇會流賊猝至被執脅之贖城信大罵不從斷頭剖腹而死贈光祿卿建祠奉祀時又有一王信官新蔡知縣亦於是年殉節劉指江寧人常率義勇解荊州圍賊犯汝寧從叅將王某以三千人赴援戰死張國維字玉筍東陽人魯王時殉節本朝乾隆四十一年追諡張國維忠敏真陽知縣王信忠烈朱國相袁瑞徵呂承蔭郭希聖張鵬翼周時望李郁岳光祚陳永蠡盧謙嚴覺趙士彥金應元龔元祥梁志仁新蔡知縣王信朱士允烈愍陳桂棟張化樞趙蔭趙繼春節愍陳宏祖等並入祠

發明

是時寇賊蔓延所在充斥乘勢南下事所必有鳳陽陵寢重地自宜預為防護張鳳

翼身任本兵不知早為籌畫乃以賊起西北不食糈米賊馬不飼南草竟不設備此與兒童之見何異謬妄甚矣及賊逼江北始請淮撫操江移鎮已為緩不及時而溫體仁復格阻之至使祖陵燔燬原廟震驚二臣之罪上通於天矣莊烈倚任奸輔轉以許譽卿為苛論妄言然則玩寇速禍誰實致之淪胥以亡有由來矣

夏五月吳宗達罷

溫體仁專政宗達能為之下在閣六年交驩無間至是以衰老乞歸

六月賊復走陝西總兵官曹文詔勦賊於真寧死之

初洪承疇出關至信陽諸將畢會賊見河南兵盛復分路奔還陝西張獻忠亦由麻城入陝以會高迎祥李自成承疇偵賊盡入關議還顧根本乃會師汝州命鄧玘尤翟文張應昌許成名戍樊城防漢江左良玉湯九洲控吳村屈屋尤世威陳永福徐來朝分駐永寧盧氏山中以扼雒南朱陽之險親統大軍俟曹文詔至偕入關進勦時文詔擊賊隨州未至也鄧玘抵樊城其部將王允成以剋餉鼓噪殺其二僕玘懼登樓越牆墮地死承疇聞變急檄秦翼明代統玘軍以奏限六月平賊期且迫遂率賀人龍張全昌等西行約文詔會商州比次靈寶文詔至承疇以賊黨屯商雒聞官軍大集必先走漢中而大軍由潼關入反在其後乃令文詔由閬鄉取山路至雒南商州直擣賊巢復從山陽鎮安洵陽馳入關中逼其奔軼曰此行也道路回遠將軍甚勞苦吾集關中兵以待將軍拊其背而遣之文詔躍馬去既至商州賊去城三十

里而營文詔夜半率從子變蛟等擊敗賊深林中賊  
退據險以千騎逆戰變蛟大呼陷陣諸軍並進賊敗  
走已而迎祥獻忠諸賊犯鳳翔趨汧陽隴州文詔自  
漢中馳赴賊盡向靜寧秦安清水秦州間衆且二十  
萬承疇以文詔所部合張全昌張外嘉軍止六千衆  
寡不敵告急於朝未得命而官軍遇賊亂馬川前鋒  
劉鴻烈被執死之俄副將艾萬年柳國鎮等戰歿於  
襄樂文詔聞之瞋目大罵急詣承疇請行承疇喜曰  
非將軍不能滅此賊顧吾兵已分無可策應者將軍  
行吾將由涇陽趨淳化為後勁文詔乃以三千人自  
寧州進遇賊真寧之湫頭鎮從子變蛟先登斬首五  
百追三十里文詔率步兵擊之賊伏數萬騎合圍矢  
蝟集賊不知為文詔也有小卒縛急大呼曰將軍救  
我賊中叛卒識之悉賊曰此曹總兵也賊喜圍益急  
文詔左右跳盪手擊殺數十人轉鬪數里力不支拔  
刀自刎死遊擊平安以下死者二十餘人賊乘勝掠

地火照西安城中承疇力遮之涇陽三原間賊不得過文詔忠勇冠時稱良將第一其死也賊中為之相慶

**質實**

樊城在襄陽縣北南臨漢水與襄陽城對峙吳村一統志作胡村在浙川縣西北九十里

瓦屋在內鄉縣西南春秋時諸侯參盟於瓦屋即此永寧後周始置熊耳縣隋改曰永寧明屬河南府今因之朱陽關在盧氏縣西南五十里隨州漢隨縣唐為隨州治明洪武初降縣尋復置州以隨縣省入屬德安府今因之襄樂城在慶陽府寧州東六十里漢曰襄洛縣後漢廢後魏置縣曰襄樂元廢真寧唐置明屬寧州以隸於慶陽府今改曰正寧徑屬慶陽府湫頭鎮一名顯聖鎮在真寧州東文詔死節後莊烈帝聞之震悼賜祭葬世蔭指揮僉事有司建祠春秋致祭本朝乾隆四十一

年追諡文詔忠果又萬年忠烈  
柳國鎮平安烈愍劉鴻烈節愍

秋七月以文震孟張至發並為禮部侍郎兼東閣大學

# 士預機務

震孟在講筵每因事規諫帝數逮繫大臣震孟講魯  
論君使臣以禮反復陳說帝為出尚書喬允升侍郎  
胡世賞於獄帝嘗足加於膝適講五子之歌至為人  
上者奈何不敬以目視帝足帝即袖掩之徐為引下  
賊焚鳳陽陵寢震孟歷陳致亂之源謂當事諸臣不  
能憂國奉公一統之朝強分畛域又言陛下宜行撫  
綏實政先收人心以遏寇盜徐議濬財之源毋徒竭  
澤而漁語多切中時弊至是帝將增置閣臣以翰林  
不習時務思用他官參之召廷臣數十人各授一疏  
令票擬震孟引疾不與至發所擬獨當帝意特命至

發與震孟並入閣至發以縣令起家累擢居政府蓋異數也越二年至發代體仁為首輔一切守其所為而才智機變稍不及時人比之傅衣鉢云

### 賊復東犯總兵官尤世威敗績

賊為洪承疇所遮張獻忠將由藍田走盧氏復扼於世威仍入商雒山中叅將徐來朝所部三千人不肯入山大噪賊至來朝逃一軍盡歿世威軍久暴露大疫與賊戰失利敗走賊遂突出朱陽關殺裨將徐來臣分十三營東犯惟高迎祥李自成留陝西

**質實**

藍田秦縣故城在縣西後周移治於此明屬西安府今因之徐來臣朱陽關守將本朝

乾隆四十一年追謚烈愍

八月以盧象昇總理江北河南湖廣四川軍務討流賊廷議以賊勢益張洪承疇一人不能顧乃擢象昇總理承疇督關中兵辦西北象昇督關外兵辦東南尋進象昇兵部侍郎加總督山西陝西賜尚方劍

## 九月洪承疇破賊於渭南

時迎祥自成在關中分道出犯迎祥畧武功扶風以西自成畧富平三原以東承疇遣將追自成小捷至醴泉賊將高傑通於自成妻邢氏懼事洩被害挾之來降承疇復身追自成大戰渭南臨潼自成大敗東走迎祥亦屢敗東逾華陰南原絕嶺偕自成出朱陽關與獻忠合

**質實**

武功漢縣明屬乾州以隸於西安府今升乾州為隸隸州縣仍屬焉

## 王應熊罷

應熊為揚一鵬所取士初一鵬奏鳳陽失事應熊恐帝震怒留其疏未上及報恢復同奏之遂擬旨令一鵬戴罪而帝以皇陵遭燬非尋常失事乃逮一鵬論死於是給事中范淑秦爭劾應熊劾比誤國言一鵬恢復疏以正月二十七日核察失事情形疏以正月二十八日天下有未失事先恢復者哉應熊改填日月欺誑之罪難辭且劾其他受賄事帝眷應熊厚不聽應熊亦屢疏辯謂坐主門生誼不容薄不敢辭劾比之名票擬實臣起草不敢辭悞國之罪言官益憤給事何楷屢疏糾之最後復疏言故事奏章非發鈔外人無由聞非奉旨即報不許鈔傳臣疏六月初十日上十四日始奉明旨應熊乃於十三日奏辯旨尚未下應熊何由得知臣不解者一旦奉旨必由六科鈔發臣疏十四日下而百戶趙光修先送錦衣堂上

官則疏可不由科鈔矣臣不解者二應熊始懼具疏引罪帝下其家人及直日中書於獄獄具家人戍邊中書貶二秩應熊乃屢疏乞休去乘傳賜道里費行人護行帝亦知應熊不協人望特已所拔擢不欲以人言去也

質實

何楷字元子漳州鎮海衛人

# 總兵官張全昌敗績于沈邱被執

先是全昌從洪承疇西入關與祖大弼賀人龍屢敗賊未幾都司田應龍張應龍戰死而艾萬年曹文詔已相繼歿官軍益衰賊盡趨西安承疇急檄全昌曹變蛟先赴渭華格其前親督軍尾其後擊却之賊奔而南承疇又命全昌及趙光遠率兵三千截潼關大谷部卒大譁闌入柴澤劫殺人河南巡撫元默請急

救盧氏不聽光遠擅歸關中全昌逆運至潁州至是追竭子塊於沈邱戰敗被執賊挾之攻蘄黃全昌因代賊求撫總理盧象昇不許責全昌喪師辱國曰賊果欲降可滅其黨示信賊不聽命久之全昌脫歸

質實

大谷關在閬鄉縣西南秦山谷張應龍與田應龍禦賊清水縣之張家川中伏戰死

本

朝乾隆四十一年並追諡忠烈

# 冬十月賊陷陝州攻洛陽

賊擁衆三十餘萬自潼關出犯閬鄉靈寶塵埃漲天絡繹百里左良玉祖寬禦之不能支賊遂分部薄陝州知州史記言募敢死士出擊之斬數十級生擒三十餘人老回回憤率數萬人攻城不克乘雪夜來襲所募士方調他郡城遂破記言縱火自焚或掖之出曰死此何以自明乃越女牆下賊追獲之令降叱曰

有死知州無降知州也遂被殺指揮李君賜殺數賊而死訓導王誠心里居教諭張敏行姚良弼指揮楊道秦阮我疆鎮撫陳三元百戶明完壁亦不屈死陝州既陷賊乃進攻洛陽巡撫陳必謙率良玉寬赴援獻忠走嵩縣迎祥自成走偃師良玉寬分逐之迎祥等由鞏縣略魯山葉縣陷光州會盧象昇自湖廣帥師至合寬等擊敗之於確山賊南竄復流於江北圍滁州再陷巢縣乘勢掠含山蘄和州知州黎鴻業與鄉官馬如蛟麾壯士出擊兩戰皆捷賊將奔遼風雪大作不辨人色守者皆潰賊遂入城如蛟急下令能擊賊者予百金須臾得百餘人巷戰賊多傷力屈遂戰死鴻業繫印於肘跪告其母李氏曰兒不肖貪微官以累母奈何母泣諭曰汝勿以我為意事至此有死而已遂自縊妻楊氏妾李氏及女四人繼之鴻業北面痛哭再拜自刎未殊濡頸血大書曰為臣盡忠為子盡孝何惜一死賊入傷數刃而死州判錢大用

偕妻妾子婦俱死吏目景一高被創死學正康正諫  
偕妻汪氏子婦章氏赴水死訓導趙世選不屈死如  
蛟兄如蚪如虹家屬十四人亦死鄉官魯一惠張元  
禎貢生魯一璠生員陶應陶廖趙世光魯可為張宏  
門姚承壽王禹臣王夢賜雷鳴祚布衣王良翰楊鳳  
墀宋齡成建中李寅陽郝萬秋馬文舉王之節盛唐  
盛美皆遇害是年賊自江北而楚而豫而秦又自秦  
突出關迤邐而南以至江北蔓延幾半天下其死難  
之可紀者陝西則隴州知州胡爾純永壽知縣薄匡  
宇咸陽知縣趙躋昌延長知縣萬代芳教諭譚恩驛  
丞羅文魁扶風知縣王國訓主簿夏尚忠典史陳紹  
南教諭張宏綱訓導陳繻生員王守庠守德澄城主  
簿李可受鄉官王廷賓階州學正孫仲嗣鄉官趙明  
盛孟宗孔寧羌衛鎮撫曹雲梯鳳翔生員屈學曾臨  
潼生員張國楨韓城生員梁民秦河南則盧氏知縣  
白樞濟源知縣楊于階滎陽典史周崇禮湖南則鄖

西知縣曹同署上津知縣龔懋澤廣濟教諭曾發祥  
黃岡生員葉道暹江北則臨淮都司陳保山而四川  
總兵楊玉震以赴  
維勦賊兵潰遇害

質實

魯山漢魯陽劉宋省隋復置魯縣唐曰魯山  
明屬汝州確山宋置明屬汝寧府含山唐置

明屬和州延長西魏析膚施縣置明屬延安府今  
並因之寧羌衛在寧羌州治北本沔陽縣地名羊  
鹿坪明洪武二十九年羌民田九成作亂討平之  
三十年於此置寧羌衛成化二十二年巡撫鄭時  
以地僻山險流民聚集奏設州治於衛治南本  
朝順治十六年裁衛史記言字司直當塗人贈光  
祿少卿黎鴻業字孟擴順德人贈太僕少卿馬如  
蛟原官浙江山陰縣知縣贈太僕少卿康正諫祁  
門人贈國子監丞趙世選贈國子監學錄馬如蚪  
候選鹽司判官馬如虹州學生員魯一惠原官把

總與妻王氏赴水死張元拔原任鴻臚寺序班陶應陶廖同母兄弟母魯氏九十一齡聞難赴水死應廖從之趙世充姚承壽亦從母赴水死承壽家人死者十餘人陳問世以身衛母被殺魯可為一惠子張宏門元槓子王良翰罵賊死妻魯氏弟婦耿氏及妹女四媳皆自焚死楊鳳墀闔門自焚死胡爾純山東人賊犯隴州固守五十餘日城陷自縊死趙躋昌解州人萬代芳遼東人妻劉氏妾梁氏俱罵賊死王國訓解州人賊犯扶風捍賊兩月餘援絕城破罵賊死王廷賓官永城知縣有治行里居城陷不屈死孫仲嗣膚施人當事委以城守賊至悉力禦守比陷與妻子十餘人同死趙明盛原官太原府照磨孟宗孔原官漢陽教諭屈學曾督鄉勇殺賊陷陣死白楹莘縣人已被劾將去官賊陷率民巷戰力竭自刎楊于階保德人周崇禮浙江山陰人賊犯滎陽守小西門比陷巷戰被執

罵賊死曹同巢縣人城破賊索印大罵不與賊擊之骨肉腐爛以死龔懋澤閩縣人以湖廣都司經歷署上津州事極力禦賊以死魯發祥鍾祥人易道暹好學著書尚氣節賊至被執遇害子為璉殉之為璉于崇禎十六年奉母避賊被執罵賊死陳保山與賊戰於隆平寺敗歿本朝朝隆四十一年追諡史記言忠烈黎鴻業馬如蛟忠節李君賜楊道泰阮我疆陳保山烈愍胡爾純薄匡宇趙躋昌萬代芳王國訓王廷賓楊于階曹同龔懋澤楊玉振節愍錢大用等並入祠

# 十一月罷大學士何吾騶文震孟

震孟既入閣體仁每擬旨必商之有所改必從喜謂人曰溫公虛懷何云奸也吾騶曰此人機深詎可輕信未幾體仁窺其疏所擬不當已意輒令改不從則徑抹去震孟大愠以諸疏擲體仁前體仁亦不顧給

事中許譽卿者故劾忠賢有聲震孟及吾騶欲用為南京太常卿體仁忌譽卿伉直諷其私人誣劾譽卿為福建布政使申紹芳營美官體仁擬以貶謫度帝欲重擬必發改己而果然遂擬斥譽卿為民紹芳提問震孟爭之不得喞然曰科道被誣見斥是天下極榮事賴公玉成也體仁遽以聞帝果怒責吾騶震孟徇私撓亂吾騶罷震孟落職間住震孟剛方貞介有古大臣風惜三月而斥未竟其用

質實

申紹芳大學士時行之孫

# 下庶吉士鄭鄮於獄

初鄮忤魏忠賢削籍帝即位起故官丁內外艱未赴服除應召溫體仁重鄮名見於朝從容問曰君自南來聞清議謂有鄮曰謂有君無臣耳體仁愕然曰天下事已不可為咎豈在吾輩鄮曰推賢任能練兵選

將何為不可體仁怫然起曰君與湛持任此吾久欲  
歸矣湛持大學士文震孟字也體仁方欲傾震孟而  
鄧與震孟同年友善又面訐體仁過體仁憾甚震孟  
既罷去憾未釋撫鄧事無所得遂誣劾鄧假乩仙判  
詞逼父振先杖母言出其從母舅舊輔吳宗達時宗  
達謝政歸已七閱月矣帝震怒下鄧刑部獄部臣言  
蔑倫大罪不可以風聞坐乞飭鄧同鄉官覈奏帝責  
其瞻私移鄧詔獄事迄無左證久不決體仁募諸生  
許曦証之曰汝證成鄧獄以中書舍人報汝曦因附  
會杖母事雜以惟薄褻語編書布中外謂之放鄭小  
史而騰章極論鄧頌與鄧共對簿曰此實鄧二十五  
年前事鄧詰曦曰爾年幾何曰年二十四鄧大呼曰  
冤乎奈何以二十四歲人而證二十五年前事乎曦  
語塞獄亦未竟而曦果擢舍人鄧從父振元上揭訟  
冤侍郎劉宗周諭德黃道周先後論救錦衣吳孟明  
覆讞抗疏申辨之帝深入體仁言皆不聽竟磔鄧西

市

質實

鄭鄭字謙  
止武進人

發明

鄭鄭杖母之獄法司不敢承錦衣不敢決而徒以風聞一語遽定爰書是何信體仁

之深也夫體仁之據以劾鄭者謂其言出吳宗達耳立召宗達而面質之尚恐其依阿權輔首鼠兩端乃并置宗達於不問而轉任年不及事之人挺身對簿荒誕為已甚矣書曰惟察惟法莊烈偏聽生奸雖治蔑倫大獄猶不察不審如此則其時庶幾之不辜者可勝道哉

丙子九年春正月盧象昇敗賊於滁州

賊既襲陷和州益分部南犯巡撫張國維遣遊擊陳於玉守六合守備蔣若來守江浦賊方攻江浦浦口

守禦姚九疇陷圍死若來急入城與知縣李維樾固  
守賊登城若來拒却之縋下擊賊矢著其頰左臂傷  
裹血還戰賊乃退六合無城若來與于玉持角捍賊  
賊亦尋解去合部衆數十萬西犯滁州環山為營包  
絡原隰知州劉太尊太僕寺卿李覺斯登陴固守賊  
雲梯衝輞百道環攻城上火輪巨礮相續發出賊不  
意投火燔其雲梯縱死士出擊賊賊斃者衆歛兵稍  
退夜復進攻掘為支河洩濠以涸之薄城益急而象  
昇自鳳陽會諸路師來援總兵官祖寬將邊軍為前  
鋒遊擊羅岱以火器三營為後勁躬率麾下三百騎  
居中督戰殊爽抵城下賊空營出攻城塵起大軍至  
賊不虞也祖寬躍馬進奮擊大呼諸軍無不一當百  
戰至晡羅岱陣斬賊渠擒天動奪其駿馬連營皆潰  
自城東五里橋逐北三十里至朱龍橋積屍填委滁  
水為之不流象昇初受命時官軍屢衄諸將率畏懼  
不前象昇每慷慨泣激以忠義軍中嘗絕三日餉

象昇亦水漿不入口以是得將士心戰輒有功方其會師鳳陽以前此議兵籌餉多未得機要乃上疏曰賊橫而後調兵賊多而後增兵是為後局兵至而後議餉兵集而後請兵是為危形况請餉未數兵將從賊為寇是八年來所請之兵皆賊黨所用之餉皆盜糧也又言總督總理宜有專兵專餉請調咸寧甘肅之兵屬總督薊遼關寧之兵屬總理又言各直省撫臣俱有封疆重任母得一有賊警即求援求調不應則秦越生嫌應之何以支持又言臺諫諸臣不問難易不顧死生專一求全責備雖有長才從何展布臣與督臣有勦法無堵法有戰法無守法其言皆切中時宜而朝廷不能盡用也

質實

六合漢尉氏縣隋改六合明洪武三年屬揚州府十一年改屬應天府今屬江寧府朱龍

橋一統志作珠龍橋鎮在滁州北三十里滁水自廬州府合肥縣東流入經全椒縣三十里又東北

經州東南六十里又東入江寧府六合縣界亦名  
天河陳于玉字丹衷吳縣人姚九疇江寧人本

乾隆隆四十

一年入祠

## 以前禮部侍郎林銓兼東閣大學士預機務

初銓以忤魏忠賢去忠賢誅起官至禮部侍郎謝病  
歸至是與劉宗周同召見帝問人才兵食及流寇狀  
宗周言陛下求治太急用法太嚴布令太煩進退天  
下士太輕故有人而無人之用又問兵事宗周言撫  
外以治內為本願陛下以堯舜之心行堯舜之  
政則天下自平矣帝迂其言命銓以原官入閣

## 二月山西饑人相食

時河河南南陽亦饑有母烹其女者唐王聿鍵聞於  
朝乃命賑南陽饑蠲山西被災州縣新舊二餉

質實

律鍵唐定王桎八世  
孫崇禎五年嗣封

前副總兵官湯九州擊賊於嵩縣敗績死之

先是滁州潰賊北趨鳳陽漕臣朱大典遣總兵官楊  
御蕃以重兵禦之賊不敢犯轉攻壽州故御史方震  
孺督鄉勇堅守乃走潁霍陷蕭縣生員梁宏道戴奮  
翼縱四通朱道光郭復性郭復初李荷春布衣王基  
貞任如龍郝維聰死之復突碭山靈璧虹窺曹單總  
兵劉澤清拒於河賊掠考城儀封而西其東奔者為  
別將劉良佐所扼西走池河取間道出南岡守禦劉  
光輝以五百人格鬪力竭赴水死一軍盡沒賊襲其  
甲幟渡河守者不覺也既畢渡奪路總兵杜宏域自  
浦口馳追之不及遂折入歸德祖大樂邀擊之賊乃  
北向開封陳永福敗之朱仙鎮賊趨登封與伊嵩賊  
合湯九州期左良王夾勦良王半道歸九州以孤軍

千二百人由嵩縣深入賊屢敗窮追四十餘里入  
深壚遇賊數萬據險攻圍九州勢不敵夜接營為賊  
所乘遂戰歿盧象昇聞九州軍覆賊已分趨裕州南  
陽乃合祖寬祖大樂羅岱兵馳擊賊於七頂山殲李  
自成精騎殆盡次師南陽令大樂備汝寧寬備鄧州  
而躬率諸軍賊遣使告湖廣巡撫王夢尹鄖陽撫  
治宋祖舜曰賊疲矣東西邀擊前阻漢江可一戰殲  
也兩人竟不能禦賊遂自光化潛渡漢入鄖象昇遣  
總兵秦翼明副將雷時聲由南漳穀城入山擊賊寬  
等騎軍不利阻隘副將王進忠軍譁羅岱劉肇基兵  
多逃追之則彎弓內嚮象昇乃調川兵搜捕均州賊  
是時楚豫賊及迎祥等俱在秦楚蜀之交萬山中象  
昇自南陽趨襄陽進兵賊多兵少而河南大饑餉乏  
邊兵益洶洶洪承疇及象昇議關中平曠利騎兵移  
祖寬兵入陝而襄陽均州宜城穀城上津南漳環山  
皆賊象昇渡浙城而南追賊至鄖西賊分竄山谷迄

不能  
平

質實

陽山秦碭縣後漢碭山明屬徐州 本朝雍正十三年升徐州為府縣仍屬焉西池河在

貴池縣西五里一名貴池亦曰杜塢河北流過鎮山入江登封唐改嵩陽縣置明屬河南府今因之七頂山亦曰七峰山在裕州宜城漢縣明屬襄陽府今因之湯九州官昌平副總兵崇禎八年春被劾褫官從軍自效既戰歿從孫文瓊伏闕三上書請卹不報劉聲基字鼎新遼東籍贛榆人 本朝乾隆四十一年追諡九州忠烈梁宏道等並入祠

寧夏兵亂殺巡撫王揖

寧夏兵苦饑楫不能措餉兵噪而殺之副使丁啟睿捕斬首惡六人亂乃定

質實

王揖泰安人丁  
啟霄永城人

以武舉陳啟新為給事中

明祚至此已非  
空談科目資格  
考選諸具文所  
能裨補萬一况  
啟新以武舉上  
書其疾視科目  
資格考選而與  
得一還其自荐  
之私固不待智  
者而辨蓋由奸  
人逆窺莊烈之  
意以時尚官僚

啟新上書言天下有三大病士子作文高談孝弟仁  
義及服官恣行奸慝此科目之病也國初典史授都  
御史秀才授尚書嘉靖時三途並用今惟用一途一  
舉進士橫行放誕此資格之病也舊制給事御史教  
官得為之今惟用進士知縣監司郡守承奉不暇此  
行取考選之病也請停科目罷行取考選以除積弊  
蠲災傷田賦以蘇民困專拜大將以便宜行事帝大  
悅擢吏科給事中朝士深惡之紛然論劾帝皆不聽  
後啟新以受贓匿喪削  
籍下撫按追贓竟逃去

質實

陳啟新  
淮安人

積習中外迄無  
足倚之人因而  
緣人咎法謂一  
切取士程材都  
無實濟是以言  
者聽者梓如針  
芥之投迨至敗  
檢逃官為世笑  
相固自無足深  
責耳

三月延綏總兵官俞冲霄擊李自成於安定敗績死之

賊既潛渡漢江留其黨屯鄖襄山谷間而高迎祥李  
自成分道再入陝迎祥趨興安漢中自成突商雒走  
延綏犯鞏昌北境諸將左光先曹變蛟破之自成奔  
還縣未幾官軍敗於羅家山盡亡士馬器械賊南出  
安定俞冲霄縱兵擊之戰竟日斬獲多乘勝逐北賊  
伏起冲霄持矛衝突賊來益衆圍之數重援兵絕遂  
歿於陣自成勢益振進圍綏德欲東渡河山西兵過  
之復西掠米脂呼知縣邊大綏曰此吾故鄉也勿虐  
我父老將襲榆林為賀人龍所敗河水  
驟長賊淹死甚衆乃改道從韓城而西

質實

羅家山在慶陽府正寧縣東羅川水出焉隋  
時名縣曰羅川以此俞冲霄靖邊衛人邊大

綏任邱人本朝乾隆四十  
十一年追諡冲霄忠烈

夏四月我

太宗文皇帝建國號曰大清改元崇德元年

我

太宗文皇帝續承丕緒勵精圖治規模宏遠伐叛撫降人心向附於是諸貝勒大臣外藩蒙古貝勒台吉及滿洲蒙古漢人文武各官捧表上言

皇上承

天眷佑應運而興愛育羣黎輯寧諸國逆者以兵威之順者以德撫之征服朝鮮混一蒙古更獲玉璽符命昭然請上尊號曰

寬溫仁聖皇帝

太宗初未允從臣工固請再三始

俞所請乃於是月十一日祭告

天地

太廟築壇於德盛門外

即皇帝位建國號曰大清改元曰崇德元年時制度大備營

建

天壇

太廟悉如典禮復定宮殿名正殿為崇政殿後為清寧宮東

為翔鳳樓西為飛鳳閣大殿為篤恭殿建制壯麗百

司官舍以

次備列

質實

元代傳國璽初元順帝北遷攜璽至應昌尋失之越二百餘年有牧羊於山岡下者見一

山羊三日不齧草時以蹄觸地牧者發之遂得璽歸於元裔博碩克圖汗後復歸於林丹汗及林丹汗西奔圖爾忒其子孔果爾額哲自托里圖來降額哲母乃以璽獻璫璽為質交龍為紐文曰制誥之寶蓋漢篆也德盛門 盛京城周九里三百三十二步門八南之左曰德盛南之右曰天裕北之

東曰福勝北之西曰地盤東之南曰撫近東之北曰內治西之南曰懷遠西之北曰外攘

天壇在德盛門外四周一百一十丈南面三門東西北三面

各一門

太廟在撫

近門外門南向東西廣三十五丈南北袤四十丈大門三楹東西門二楹前殿三楹正殿五楹後寢

六楹

# 罷大學士錢士升削御史詹爾選籍

全富戶報名輸  
官與禦人國門  
何異當時發田  
增賦方以峻令  
苛求小人希旨  
生風遂敢以搜  
括之策肆行入

時體仁以刻覈導帝上下翫然士升因撰四箴以獻大指謂寬以御衆簡以臨下虛以宅心平以出政其所言深中時病帝優旨報聞而意不懌有武生李璉者請括江南富戶令報名輸官行首寔籍沒法士升惡之擬旨下刑部逮問帝不許體仁遂改輕擬士升曰此亂本也當以去就爭之乃疏言自陳啟新言事

告錢士升擬旨  
提問亦欲加懲  
創以警妄言耳  
乃莊烈覽疏既  
斥以沽名復聽  
其引退初不以  
括富為非故轉  
覺正言逆耳國  
勢岌危尚不知  
為問閤留一線  
元氣非自促喪  
亡而何

擢置省闥比來借端倖進者實繁有徒然未有誣肆  
如璉者也其曰縉紳豪右之家大者千百萬中者百  
十萬以萬計者不能枚舉臣不知其所指何地就江  
南論之富者數畝以對百計者什六七千計者什三  
四萬計者千百中一二耳江南如此何況他省且郡  
邑有富家固貧民衣食之源也地方水旱有司出  
錢粟均糶濟饑一遇寇警令助城保守禦富家未嘗  
無益於國周禮荒政十二保富居一今秦晉楚豫已  
無寧宇獨江南數郡稍安此議一倡無賴亡命相率  
而與富家為難不驅天下之民胥為流寇不止報曰  
即欲沽名前疏已足致之母庸汲汲前疏謂四箴也  
士升惶懼引罪乞休帝即許之於是御史詹爾選上  
疏曰輔臣因咎求黜遽奉回籍之諭夫人臣所以不  
肯言者其源在下肯去耳輔臣肯言肯去臣實榮之  
獨不能不為朝廷惜此一舉也璉以非法導主上其  
端一開大敵將至輔臣憂心如焚忽奉改擬之命遂

爾執奏陛下方嘉許不暇顧以沽名責之人主不以名譽鼓天下使其臣尸位保寵亦非必國家利況今日所行一切苟且之政當局者或拊心愧恨旁觀者或對衆歎歎輔臣不過偶因一事代天下發憤耳而竟鬱鬱以去恐後之大臣無復有敢言者矣大臣不敢言而小臣愈難望其言矣所日與陛下言者惟苛細刻薄不識大體之徒似忠似直如狂如癡售則挺身招搖敗則潛形遁竄駭心志而煥耳目毀成法而釀隱憂天下事尚忍言哉疏入帝震怒召見武英殿詰之曰輔臣之去前旨已明汝安得為此言對曰陛下大開言路輔臣乃以言去國恐後來大臣以言為戒非求言意帝曰建言乃諫官事大臣何建言對曰大臣雖在格心然非言亦無由格大臣止言其大者決無不言之理大臣不言誰當言者帝曰汝言一切苟且之政何者為苟且對曰加派帝曰加派因賊未平賊平何難停汝尚有言乎對曰搜括抽扣亦是帝

曰此供軍國之用非輔之內帑汝更何言對曰即捐助亦是帝曰本令願捐者聽何嘗強人時帝聲色俱厲左右皆震懾而爾選詞氣不撓帝命錦衣提下爾選叩頭曰臣死不足惜陛下聽臣事尚可為即不聽亦可留為他日思帝愈怒罪且不測諸大臣力救乃命繫於直廬下都察院議罪止論停俸復令吏部同議請鐫五級以褫職用復不許乃削籍歸自後言者屢薦皆不聽

質實

詹爾選字思吉撫安人

六月林鈺卒以孔貞運賀逢聖黃士俊並為禮部尚書  
兼東閣大學士預機務

逢聖性廉靜初官翰林湖廣建魏忠賢生祠或傳上梁文出逢聖手忠賢詣謝逢聖曰無之借銜陋習耳

翼日遂削籍帝即位召還至是與貞運  
士俊俱入閣三人皆不能有所匡益

質實

孔貞運句容人至聖六十三代孫也賀逢  
聖字克繇江夏人黃士俊廣東順德人

秋七月

大清兵入塞

大清兵入喜峰口巡關御史王肇坤拒戰戰還保昌平  
與總兵官巢丕昌戶部主事王一桂趙悅攝知州事  
保定通判王禹佐分門守城破肇坤被四矢兩及而  
死丕昌出降一桂悅禹佐及判官胡惟忠吏目郭永  
學正解懷亮訓導常時光守備咸貞吉皆死之禹佐  
子亦從父死一桂妻妾子女暨家衆二十七人悉赴  
井死未幾

大清兵攻順義知縣上官蓋與游擊治國器都指揮蘇

時雨等拒守城既下盡自經國器時雨及訓導陳所  
蘊皆死下寶坻知縣趙國鼎主簿樊樞典史張六師  
訓導趙士秀皆死下定興教諭熊嘉志在籍太常少  
卿鹿善繼知州薛一鶚殉節死下安肅知縣鄭延任  
與妻同殉節死教諭耿三麟亦死之下大城知縣武  
維周中流矢死下雄縣安州知州崔維律巷戰觸堦  
死妻牟氏子婦陳氏自縊雄縣布衣唐中穎依八旬  
父弗去亦死時都城戒嚴徵召諸鎮入援給事中王  
家彥以陵寢震驚勅兵部尚書張鳳翼坐視鳳翼懼  
自請督師命與中官羅維寧宣大總督梁廷棟相犄  
角然皆不敢戰言官交章論鳳翼廷棟兩人益  
懼度解嚴後必罹重譴日服大黃藥祈死而已

**質寶**

定興金析范陽黃村地置安州宋順安軍金  
置葛城縣為安州治明洪武初省縣入州尋

改州為縣十四年復為州與定興並屬保定府今  
因之王肇坤字亦資蘭溪人贈大理卿王一桂黃

岡人與趙悅並贈太僕少卿王禹佐蒲山人胡維忠  
徽州人上官蓋曲沃人治縣廉執有聲趙國鼎山西  
樂平人熊嘉志灤州人鹿善繼字百順家於定興縣  
之江村父正苦節自勵遠近稱鹿太公善繼入捍城  
以死家人奔告太公太公曰吾兒素以身許國今果  
然何憾事聞贈大理卿諡忠節勅有司建祠薛一鶚  
字百當原官蘭溪知州鄭延任臨清人耿三麟靈壽  
人武維周太谷人崔維律平度州人本朝乾隆四  
十一年追諡王肇坤王一桂忠烈趙悅王禹佐咸貞  
吉上官蓋治國器蘇時雨趙國鼎薛一鶚鄭延任武  
維周崔維律節愍  
胡維忠等並入祠

陝西巡撫孫傳庭擊高迎祥於盤屋擒之送京師伏誅

先是關中賊過天星九條龍等屢為總兵官柳紹宗  
左光先所敗窮蹙乞降陝西巡撫甘學濶受之寘其

衆數萬人於延安尋出劫掠如故秦之士大夫譁於朝乃推邊才用傅庭以是年三月受代傅庭沉毅多籌略既蒞秦嚴徵發期會一從軍興法賊首整齊王據商雒諸將不敢攻檄副將羅尚文擊斬之以迎祥於賊中最強躬督賀人龍等剿之盤厓大破其衆於黑水峪迎祥就擒并縛其領哨黃龍總管劉哲等獻俘闕下磔死關中賊稍懾而賊黨之竄鄖襄者常乘間突入豫犯滎陽殺知縣王恒言總兵官解進忠撫之浙川被殺然亦屢挫衄及盧象昇既北去苗胙土巡撫湖廣不習兵張獻忠乃約馬守應諸賊以二十萬衆自均州新安唐縣分道犯襄陽總兵秦翼明兵寡不能禦賊部四出剽掠而應城旋告陷方賊之攻應城也知縣張紹登及教諭李之經訓導張國勛鄉官饒可久徐可晤悉力禦之國勛曰賊不一創城不易守率壯士出擊力戰一日夜斬獲甚衆賊去邑有侍郎王璠子權結怨於族黨怨家潛導賊復來攻國

勛佐紹登力守乞援於上官副將鄧祖禹赴救守西南國勛守東北紹登往來策應會賊射書索權權懼斬北關以出賊乘間登南城紹登還署端坐堂上賊至奮拳擊之羣賊大至被殺縱火焚文廟投國勛烈敵中祖禹之經可久可晤皆不屈死侍郎瑛亦被磔是時湖廣震動獻忠欲乘勢窺儀淮遂合守應等沿江南下而關中賊復推李自成為闖王連犯階嶽汧隴鳳翔於是自成獻忠分寇西南各相雄長矣

### 質實

黑水峪一名芒谷在盤屋縣東南應城劉宋析安陸縣置明洪武初省入雲夢尋復置屬

德安府今因之孫傳庭字伯雅代州振武衛人王恒言慈谿人治邑有惠政賊逼境城守援絕脅降不屈死張紹登字振夫南城人贈尚寶少卿李之經永興人張國勛黃陂人贈國子監學正饒可久初知大興縣歷知府丁艱歸賊入語妻程氏曰臣死忠婦死節分也妻女相對自經可久被執不屈

死徐可晤官錦衣百戶鄧禹祖蘄水人本朝乾隆四十一年追諡鄧祖禹忠烈張紹登王璵烈愍解進忠王恒言饒可久節愍李之經等及固始布衣朱曜麟遵貢生楊四謙生員楊四可入祠曜率鄉勇殺賊手馘數十人伏陷被執罵賊死四謙四可以父被賊執兄弟爭代死皆遇害事並在是年

## 諭廷臣助餉

未幾又括勛戚文武諸臣馬開銀鐵銅鉛諸殯

## 八月唐王聿鍵起兵勤王廢為庶人錮之

先是流賊起王綱金築南陽城又援潞藩例乞增兵三千人不許至是京師戒嚴王倡義勤王將抵開封諸大吏惴恐集議曰留之不聽行守土者且得罪杞縣知縣申佳允曰惟周王可留之衆稱善用其議聿

鍵乃止不行尋下詔切責勒還國  
事定下部議廢為庶人幽之鳳陽

質實

周王恭枏定王櫟十世孫萬歷十七年封  
世子既而襲封申佳允字孔嘉永年人

發明

明制親藩不掌兵士卒蒞王府者不過備  
護衛而已然此謂國家無事之日若京師

戒嚴倡義勤王正與國同休戚之義特恐叢爾  
之區兵力微弱無益於事耳顧大吏惟以守土  
者得罪為恐宛轉議留悉出私意朝廷復下詔  
切責勒使歸國卒下部議且以舉兵為罪廢黜  
幽繫舉措不幾倒置乎揆厥所由大抵鑑宗藩  
擅兵慮其乘事為非耳夫既分封世土欲其屏  
藩王室而一舉動間防閑備至雖以勤王為國  
而猶必加之罪然則封建之無益於人國信矣  
夫

我

九月以盧象昇總督宣大山西軍務

象昇奉詔入衛至已解嚴會梁廷棟卒命代為總督  
宣大素苦缺餉象昇乃大興屯利行二年積穀至二  
十萬帝諭九  
邊奉以為式

冬十月削前工部侍郎劉宗周籍

宗周既還朝擢工部右侍郎上痛憤時艱疏略言陛  
下銳意求治而二帝三王治天下之道未暇講求施  
為次第猶多未得要領者首屬意於邊功而袁崇煥  
遂以五年恢復之說進是為禍胎已已之役謀國無

良朝廷始有積輕士大夫之心自此耳目參於近侍  
腹心寄於干城治術尚刑名政體歸叢脞天下事日  
壞而不可救厥衛司譏察而告詰之風熾詔獄及士  
紳而堂廡之等夷人人救過不給而欺罔之習轉甚  
事事仰成獨斷而諂諛之風日長三尺法不伸於司  
寇而犯者日衆詔旨襍治五刑歲躬斷獄以數千而  
好生之德意泯刀筆治絲綸而王言褻誅求及瑣屑  
而政體傷叅罰在錢穀而官愈貪吏愈橫賦愈逋敲  
扑繁而民生瘁嚴刑重斂交困而盜賊日起總理任  
而臣下之功能薄監視遣而封疆之責任輕督撫無  
權而將日懦武弁廢法而兵日驕將懦兵驕而威令  
并窮於督撫朝廷勒限平賊而行間日殺良民報功  
生靈益塗炭一旦天崩聖衷撤總監之任重守令之  
選下弓旌之招收酷吏之威布維新之化方與二三  
臣工洗心滌慮以聯泰交而不意君臣相遇之難也  
得一文震孟而以單辭報罷使大臣失和衷之誼得

一陳子壯而以過慙坐辜使朝寧無吁咈之風此關  
於國體人心非淺陛下必體上天生物之心以敬天  
而不徒倚風雷必念祖宗鑑古之制以率祖而不輕  
改作以簡要出政令以寬大養人材以忠厚培國脈  
發政施仁收天下泮渙之心而且還內廷埽除之  
役正懦帥失律之誅慎天潢改授之途遣廷臣齎內  
帑巡行州縣為招撫使赦其無罪而流亡者陳師險  
阻以誅賊渠則寇患可消天下幸甚疏入帝怒甚諭  
閣臣擬嚴旨再四每擬上帝輒手其疏復閱起行數  
周已而意解降旨詰問謂大臣論事宜體國度時不  
當效小臣歸過朝廷為名高且獎其清直焉時太僕  
缺馬價有詔願捐者聽體仁等皆有捐助又議罷明  
年朝覲宗周以輸弊免覲為大辱國帝雖不悅心善  
其忠益欲大用體仁患之募山陰人許珣疏論之謂  
宗周道學有餘才譎不足帝以珣同邑知之宜真遂  
已不用宗周三疏請告去至天津聞畿輔被兵遂留

養疾事稍定乃上疏曰自己巳之變小人以門戶修怨異己者驟坐以袁崇煥黨日造蜚語次第去之於是小人進而君子退中官用事而外廷浸疏文法日繁欺罔日甚朝制日隳邊防日壞今日之禍實已已以來釀成之也且以張鳳翼之溺職中樞也而俾之專征何以服王洽之死以丁魁楚等之失事於邊也而責之戴罪何以服劉策之死諸鎮勤王之師爭先入衛者幾人不聞以逗遛蒙詰責何以服耿如杞之死廷臣之累累若若可幸無罪者亦何以謝韓爌李邦華諸臣之或戍或去豈昔為異已驅除今不難以同己相容隱乎臣以是知小人之禍人國無已時也昔唐德宗謂羣臣曰人言盧杞奸邪朕殊不覺羣臣對曰此乃杞之所以為奸邪也臣每三覆斯言為萬世辨奸之要故曰大奸似忠大佞似信頻年以來陛下惡私交而臣下多以告訐進陛下錄清節而臣下多以曲謹容陛下崇勵精而臣下奔走承順以為恭

陛下尚綜覈而臣下瑣屑吹求以示察凡若此者正似忠似信之類究其用心毋往不出於身家利祿陛下不察而用之則聚天下之小人立於朝有所不免矣天下即乏才何至盡出中官下而陛下每當緩急必委以大任三協有遣通津臨德有遣又重其體統等之總督置總督於何地總督無權置撫按於何地是以封疆嘗試也且小人每比周小人以相引重君子獨岸然自異故自古有用小人之君子終無黨比小人之君子陛下誠欲進君子退小人決理亂消長之機猶復用中官叅制之此明示以左右袒也有明治理者起而爭之陛下即不用其言何至并逐其人而御史金光辰竟以此逐若惟恐傷中官心者尤非所以示天下也至今日刑政之最舛者成德介吏也而以贓戍何以肅懲貪之令申紹芳十餘年監司也而以莫須有之鑽刺戍何以昭抑競之典鄭鄮之獄或以誣告坐何以示敦倫之化此數事者皆為故輔

文震孟引繩批根卽向日驅除異己之故智而廷臣無敢言陛下亦無從知之也八年之間誰秉國成而至於足臣不能為首揆溫體仁解笑語曰誰生厲階至今為梗體仁之謂也疏奏帝大怒體仁又上章力詆遂斥為民

**質實**

陳子莊字集生南海人累官禮部侍郎莊烈帝以海內多故思廣羅賢才下詔祖訓郡王

子孫文武堪任用者得考驗授職子莊慮為民患極為不可會唐王聿鍵上疏歷引前代故事詆子莊遂除名下獄坐贖徒歸明永明王由榔立於肇慶授子莊東閣大學士兼兵部尚書

大兵下高明子莊被執受戮死明永明王贈子莊番禺侯諡文忠本朝乾隆四十一年追諡忠簡金光辰字居垣金椒人時莊烈帝遣中官總監通津臨德等處兵馬糧餉而意頗諱言之光辰疏請罷遣

帝怒召對平臺風雨驟至侍臣立雨中至以袖障  
雷帝責光辰光辰對曰皇上以文武諸臣無實心  
任事委任內臣臣愚以任內臣諸臣益弛卸不任  
帝大怒聲色俱厲將重譴光辰而迅雷直震御座  
風雨聲大作光辰因言臣往在河南見皇上撤內  
臣而喜語未終帝沉吟即云汝言毋復爾然意亦  
稍解翼日詔光辰鑄三級調外人謂光辰有天幸  
云成德字允升霍州人以進士除滋陽知縣性剛  
介清操絕俗疾惡若讐嘗語刺溫體仁體仁聞而  
恨之宛州知府增餉額德固爭又嘗捕治其牙爪  
吏知府怒譏於御史禹好善好善體仁客也誣德  
貪虐逮入京滋陽民詣闕訟冤閣臣文震孟亦為  
之稱枉德道中具疏極論體仁罪而震孟已被體  
仁排擠去好善再劾德言其疏出震孟手帝不之  
究德母張氏伺體仁長安銜統輿大罵拾瓦礫擲  
之體仁恚疏聞於朝詔五城御史驅逐移德鎮撫

獄掠治杖六十午門外戍邊坐贓六千有奇而給體仁校尉五十人以護出入

發明

溫體仁當國既久劾者章不勝計而劉宗周之疏尤為深切著明莊烈素知宗周清

直前此痛憤時艱一疏雖怒甚旋即竟解何以一劾體仁即至立予削籍體仁素患宗周之見用急欲使之去位而宗周復屢以懇直見忤於是乘上之怒而媒孽之觀其甫被宗周劾而即上章力詆蓋惟恐其君之一悟而去之不速也小人嫉賢以自固其寵何所不至獨惜莊烈憂勤治理慨然思得非常之材而舉措聽熒貞邪易位有一宗周而不能任用一體仁而不知悟轉移顛倒以抵於亡其果誰之咎歟

御定資治通鑑綱目三編卷三十六